

IN EPISTOLAM
EVSEBII ROMANI
A D
THEOPHILVM GALLVM
De Cultu Sanctorum ignotorum
APOCRISIS.
In qua contra Eusebium defenduntur
Reliquiæ è Catacumbis Romanis
erutæ.

AUCTORE
ALEXANDRO PLOVVIERIO
TORNACENSI
Presbytero, & Sacræ Theologiæ Doctore.
SANCTISSIMO D.D. P.N.
INNOCENTIO XII.
PONT. MAX.



ROMÆ, Typis Ioannis Francisci Buagni. 1700.
Superiorum Permissu.



BEATISSIME PATER:



VOS vidit S. Ioannes, Apoc: 7:

ex omnibus gentibus,
tribubus, & populis,
& linguis stantes an-
te thronum, & in

conspectu Agni, amictos stolis albis,
cum palmis in manibus eorum, co-
ram Sanctitatis Vestrae tribunali,
hoc libello causam dicturos pro so-
cijs suis anonymis, & ius petituros
sisto, vt Beatitudo Sua, tanquam
Christi Vicarius candido calculo il-
lis faueat contra cuiusdam Neoteri-
ci iniusta molimina, Sanctitatem
eorum impugnantis. Quanquam
enim ipsi venerint de Paganorum
tribulatione magna, lauerint sto-
las suas, & dealbauerint eas in san-
guine Agni, eò duriore etiam,

A 2

nunc

nunc persecutione vexari videntur
quodammodo, quo vir professione,
& e mentito Eusebij nomine bis re-
ligiosus, Religionis integritatem
illibatam, ac legitimam Sanctorum
venerationem eruditè primùm, ac
strenuè propugnans, postmodum,
non solum de veritate Reliquiarum,
quæ è Catacumbis Romanis erutæ,
cultui fidelium exponuntur, dubi-
tauit, verùm etiam Sanctos illos,
quos vocat incognitos, nullis cer-
tis approbari testimonijs asserere
ausus est. Palmas, & vasa sanguine
intincta inter ambigua martyrij si-
gna constituens, Sanctitatis Vestræ
Cardinali Vicario, & Sacrarum Apo-
stolici Præfecto Sacrarum Reliquia-
rum vindicatoribus, & dispensato-
ribus fidem abrogasse colligetur à
legente epistolam illius, qui quò do-
ctior,

ctior , elegantior , ac eruditior est
Eusebius Romanus nomine, eò fa-
ciliùs inducet vniuersos in malam
suspicionem aduersùs Romanos, im-
mò hoc pacto apud complures volens
nolens, & fortè incautus populum
fidelem à veneratione Reliquiarum
distraxit. Illis, ni fallor, Beatissime
Pater , prouidebitur scandalis , si
Sanctitas Vestra hunc libellum fig-
mentis illis occurrentem , quem ad
pedes suos humillimè prouolutus
offero , confecro , ac dedico , sua
fulciat protectione. Volumine qui-
dè exiguus est , sed quantùm opus
est, vt opinor, roboratur argumen-
tis, quibus Eusebij cauillationes re-
futentur, Sanctorum cultus in fide-
lium animis restituatur, & Catacum-
barum , quas persecutionis tempore
incoluerunt Summi Pontifices Cal-

listus I. Vrbanus I. Pontianus , Anterus , Fabianus , Cornelius , Stephanus I. Sixtus II. Caius , Liberius , Bonifacius I. Ioannes III. &c. honor reparetur .

Cœterùm si quid eorum ipsi desit , auctoritatis Apostolicæ nomen , religionis vestræ integritas , vitæ Sanctitas , ac innocentia nulli suorum prædecessorum impar , mirum in modum , ac perabundè omnes meæ tenuitatis supplebit defectus . Hanc gratiam per intercessionem omnium Sanctorum Martyrum , qui pro Christo sanguinem sparsere , etiam atque etiam rogat .

Sanctitatis Vestræ .

*Humilimus , Obsequentiss.
& Deuotissimus Servus .
Alexander Plouuierius .*

Mihi

M Ihi commissum à Reuerendis. Sac. Pa-
latij Apostolici Magistro P. Fr. Pauli-
no de Bernardinis examen Libri, cuius Ti-
culus *In Epistolam Eusebii Romani ad Theophi-
lum Gallum de Cultu Sanctorum ignotorum*
Apocrisis, in qua contra Eusebium defendun-
tur Reliquiæ è Catacumbis Romanis erutz
Auctore Alexandro Plouuierio Tornacensi
Presbytero Sac. Theol. Doctore, accuratè pro-
viribus peregi. Cumque nihil contra Fidem,
bonosue mores in eo repererim, immò erudi-
tam difficultatum enodationem, dignum
Typis opus esse censeo, vt si quod vulnus cir-
ca Reliquiarum venerationem à Romanis
Præpositis transmissarum in animis piorum
fidelium inhæserit ex lectione illius Epistolæ,
hac aperta veritatis defensione curetur.
Romæ ex Urbano Collegio de Propaganda
Fide die 4. Aprilis 1700. Anno Iubilæi.

*Ioannes Pastritius Phil. ac Sac. Theol. Do-
ctor, ac in eodem Collegio Theologiæ
Polemicæ Lector Iubilatus.*

Imprimatur,

**Si videbitur Reuerendiss. Patri Magistro
Sac. Pal. Apost.**

*Dominicus Bellifarius de Bellis Episc.
Melphicten. Vicesgerens.*

Imprimatur.

**Fr. Paulinus Bernardinius Ordinis Præ-
dicatorum Sac. Apost. Pal. Magister.**

IN

IN EPISTOLAM ⁹
EUSEBII
ROMANI

A D
THEOPHILVM
GALLVM

De cultu Sanctorum ignotorum

APOCRISIS.

PRAEFATIO.



QVAM primùm percepi te
apud probos pariter, & do-
ctos malè audire, ò erudi-
tissime Eusebi, propter epi-
stolam à te de cultu Sancto-
rum ignotorum scriptam, diligentissimè
Theophilum Gallum exquisivi, qui
mihi eam saltem semel legendam trade-
ret, vt pro meo in te amore, mihi sup-
peteret de contentis in ea magis gnaro-
rum

tum dictis, cum scriptis obtreſcatorum ora obſtruendi facultas, ſi minima te excuſandi affulgeret occaſio; aut ſi te in aliquo non planè inſtructum deprehenderem, de re ipſa, vti ſe habet, facerem certiorẽ. Non enim te vellem cum λειψανομαχοις ab ineruditis accenſeri, prout nimius aliquorum feruor videtur expetere. Sed pluſquàm annus integer elapſus eſt, antequam mea complerentur vota; quia præ paucorum manibus reperiẽbatur tua ad Theophilum Epistoła. Fauente tandem Deo mihi occurrit Theophilus ſumma mihi neceſſitudine coniunctus, qui non ſolùm ſuæ epistolæ me fecit dominum, ſed etiam inſtanter adhortatus eſt, vt pro meo captu ſui loco ad te aliquam apocriſim dirigerem. Illud onus adeo libentiùs ſuſcepi, quo me ad amicis meis morem gerendum in quibus pietas permittit, in dies promptiorem perſentio. Seriùs quidem quàm par fuiſſet, debitum ſolui, ſed ſine negligentia vitio, cum varijs diſtentis curis, furtiuis dierum, ac noctium momentis vti debuerim

rim

rim, vt huic apocrifi finem impone-
rem.

Prima fronte se exhibet fictitium
Eusebij Romani nomen, quo pietatem
Romanam vis æmulari, quamuis paulò
post te ipsum latentem reueles tua scri-
pta percurrentibus. Nolo tibi hoc in-
magnum crimen vertere, quod vt nosti,
Sacra, & Romana iura tam acriter amo-
uent iuxtà Tridentinum, vbi inhihetur
ne sine licentia Superiorum Ecclesiasti- Sess. IV.
corum, & sine nomine Auctoris, impri-
mantur libri. Et ne quis ignorantia ex-
cusationem prætexere queat, eadem
prohibitio renouatur regula X. indicis li-
brorum iuxtà Concilij canones prohibi-
torum, paragraphis insuper vno, & al-
tero de impressione librorum. Quam
regulam, etiamsi ad disciplinam per-
tineat, totis vlnis in Gallia pro pietate
Ludouici Magni recipi censeo si quidem
iam laudatum decretum sancitum est
contra hæreticos, qui tunc etiam Gal-
liam libris suis anonymis, & pseudony-
mis inficiebant: Et cum eo temporis
Galli media suffocanda, penitusque ex-
tir.

tirpandæ hæreseos inquirerent, & illo ad id efficacius inueniri nequeat, non est quod dubitem, quin Rex Christianissimus, qui reuocato Nannetensi edicto, aut pertinaces regnicolas ad fidem Catholicam redire, vel è Regno egredi iussit, Protestantibus semper inuictissimus bella indixit, & nouissimè IV. pacis de Risvich articulo insistens, contra detestabilem hæreticorum conatum Neocatholicos in Alsacia degentes in Religionis Romanæ libertate sustinuit, tam salubris decreti obseruationem exoptet. Quo religiosè seruato nullus remanet locus, quominus Nouatores, vt se singulari ingenio præditos palam faciant, nouas spargant opiniones, iam sepultas renouent, libros famosos, aut seditiosos in lucem emittant in Religionis Catholicæ, & in Monarchiæ quasi irreparabile damnum.

At hæc missa faciamus. Si de pseudonymis hic fusiùs esset differendum, Abbas Germanus ante me monere posset, quot mala ex pseudonymis oriri possint, vtpotè qui contra tuam S. Augusti-
ni edi-

13
ni editionem à doctis vnanimiter lau-
datam scribens, tantas vigilias tuas, pe-
grinationesque infructuosas reddere
pro virili, sed sine effectû, conatus est.
Ad rem nostram maturiùs properemus.

I.

Occasione duorum tumulorum cum
inscriptionibus, quorum vnus in Veson-
tione[n]si, alter apud Ambianos nuper
est repertus, quæris an, si corpora in
illis contenta probentur esse Sanctorum,
illis idem cultus impendi possit qualis
Sanctorum corporibus Roma aduectis à
quibusdam reddi solet, corpora eorum
non modò solemni pompa in Ecclesias
inferendo, verum etiam eorundem so-
lemnitatem quotannis cum octaua cele-
brando, in pulpitis panegyricas oratio-
nes declamando, & Sanctissimum Eu-
charistiæ Sacramentum exponendo.

Huic quæstioni, vt Eusebium Roma-
num decebat, fecisses satis, si tales abu-
sus iam ab Ecclesia decreto solemni Sac.
Congregationis Rituum reprobatos era-
dica-

dicare tentans, falsis argumentis ipsas non exauكتورares reliquias. Cauendum enim est, ne zizania euellendo triticum eradicetur, & ne Lutheri vilum vestigium sequamur, qui ex abusu indulgentiarum, ipsas quoque sustulit indulgentias.

*Religionis
integritatis* Rem profecto lubricam, & difficilem, ut ore proprio confiteris, aggressus es, quæ nulli Romanorum grata sit, ut potè quæ ceteris anteponenda est, violat, impiæ hæreticorum subsannationi Romanam exponit Ecclesiam, fidelem populum in venerandis reliquijs mille dubijs exagitat, sicque pedetentim à dogmatibus credendis, qua par est, intellectus captiuitate, auertit. Verum quidem est quod tuam sententiam propositurus promittas fore ut nihil sis asserturus, nihil temerè definiturus; sed hoc satis non est, Nosti optimè, quam plures esse, qui verbo se subiiciunt, reipsa verò promissa non implent.

I I.

Postquam optimè at crudité more
tuo

tuo cultum Sanctarum Reliquiarum, & Cēmeteriorum Romæ venerationem ex SS. Patribus comprobasti num. 1. abusus à Sacra Congregatione Rituum agnitos reiecisti num. 2. quatuor regulas num. 3. apponis, quibus religiosi honores legitimis Sanctis decernuntur.

Prima est, vt Sancti illi nequaquam dubij sint, & incerti, sed certis, & indubitatis recogniti argumentis.

Secunda est, vt ex certis, & indubitatis Sanctis (de Confessoribus loqueris) illi dumtaxat colendi toti Ecclesiæ proponantur, & imitandi, qui inter eos illustriores fuerint, idque præclaris, & heroicis gestis consecuti sint, vt eorum vita fidelibus omnibus in speculum, & exemplum proponatur.

Tertia est ex prædictis consequens, vt eorum nomina, & facta perspecta sint, aut ex traditione maiorum, aut ex indubitatis posterorum testimonijs; & , si quidem pro Martyribus habeantur, vt de eorum passione pro Christo tolerata constet, non vanis, & æquiucis coniecturis, sed certis argumentis.

Quar-

Quarta denique regula est , vt omnibus Sanctorum factis , virtutibus , & miraculis , eorumque circumstantijs attentè consideratis , & expensis , de eorum cultu statuât Ecclesia , vel Summus Pontifex , cui maximè credita est harum rerum definitio .

Hæ quatuor regulæ , eruditissime Eusebi , optimè quadrant Sanctis , quos vocas , nouos , tametsi num. 4. illud apertè neges : *Sancti* , inquis , *huiusmodi nequaquam certi , & indubitati , immo dubij , & incerti sunt , nullis certis approbati testimonijs , & indicijs* . Sed quomodo id probas ?

Horum corpora erui è veteribus Romæ cēmeterijs , quæ catacumbas vocant , ac solis Christianis hæc ipsa fuisse propria ingenuè confiteris , vt antea probaueras num. 1. ex horrore , & odio , quo Christiani auersabantur Gentiles , per S. Cyprianum , qui Martialem Hispanum Episcopum , suo submotum Episcopatu , quia cum gentilibus communicauerat , & suos filios in prophanorum sepulcris recondiderat , sic exprobat. *Martialis*

rials quoque præter Gentilium turpia, & lutulenta conuiuia, & collegia diu frequentata, & filios in eodem collegio exterarum gentium more apud prophana sepulcra depositos, & alienigenas consepultos, &c. Hactenus benè. Cur postea vteris hac restrictiua: At solis Sanctis, siue Martyribus, siue confessoribus concessa negauerim, cum nullus Prælatorum Sacræ Congregationis Reliquiarum id vniquam affirmauerit? Tecum illi consentiunt, illa Cœmeteria fuisse communia omnium fidelium conditoria, iam indè à primis Ecclesiæ incunabulis à fidelibus frequentata religionis causa, ob Martyrum corpora, quæ in illis sepulta iacebant. Non adeò creduli sunt isti Sacris Reliquijs Præpositi, vt existiment pro Sanctis credendos esse etiam primis illis temporibus fideles omnes, vt suspicaris. Inficias non eunt ad quartum, aut quintum Ecclesiæ sæculum vsque in communem vsum fuisse Catacumbas. Idcirco nullus eorum est, qui dixerit, totis illis sæculis nullos nisi Sanctos in illis Cœmeterijs fuisse depositos: ex antiquis

tiquis enim pœnitentialibus regulis , & antiquiorum Conciliorum canonibus fat liquet inter fideles quosdam fuisse enormibus peccatis obnoxios. Non sufficit igitur ad asserendam Sanctis incognitis venerationem , quod eorum corpora è vetustis illis horrorem spirantibus repagulis effossa sint ; sed alia sanè exiguntur ad id probandum indicia , & argumenta , quæ , quia in paucis reperiuntur (comparatiuè loquor) pauci etiam venerationi fidelium exponendi traduntur , repudiatis quàm plurimis corporibus , quæ illis carentia argumentis in sepultura relinquuntur . Superstitionis inimica est S. Romana Ecclesia , quocirca cultus indebiti eliminandi causa , omnem adhibet diligentiam , vt Martyrum corpora à colendis non colenda secernat , vt nunc aperiam .

I I I.

Distinctis corporibus duplicis generis , quæ ex illis eruuntur Cœmeterijs , alijs

alijs nempè absque vlllo nomine , aut inscriptione : alijs , cum alterutro , aut cum vtroque , declaras primi generis Sanctorum nomina indisolere ab Eminentissimo Cardinale Vicario , vel ab Illustrissimo Sacrarij Apostolici Præfeto , ob idque Sanctos huiusmodi *baptizatos* appellari . Ita est, Eusebi ; inde tamen nullam sequi confusionem velim , credas , dum Sanctorum nomina , quorum gesta nouimus , Sanctis tribuntur incognitis. Ad omnem tollendam confusionem vetat Ecclesia , ne Missæ , ne officia , nec conciones de illis fiant , quæ tamen alijs Sanctis conceduntur , sed solum permittit, vt illorum reliquæ cultui, & venerationi fidelium exponantur in Ecclesia , vel in Oratorio .

In discernendis, inquis, huiusmodi Sanctis hæc ferè indicia obseruantur , crux, aut palma ; vel Christi monogramma passim cum litteris Græcis ΑΩ, boni Pastoris , aut Agni figura , historia veteris , aut noui testamenti ; aliaue id generis indicia tumulis eorum insculpta . Sed hæc Christianorum tumulos esse indicant , San-

ctos esse non probant. Pace tua, dixerim, Eusebi, si palmam excipias, cætera signa minimi fiunt. Et ratio quam reddis, qua assumas ideò huiusmodi signis tumulos Sanctorum non probari, à verò absonat. Non enim concluditur non ideò esse Sanctorum sepulcra, quia, ut credis multa id generis sepulcra, primorum Christianorum in alijs regionibus obuia sunt, ut Neapoli in Cæmeterio adiuncto suburbanæ Basilicæ Sancti Ianuarij, & in partibus Gallicanis, si quidem non sibi soli arrogat Roma Sanctos habuisse Martyres, nec alijs inuidet regionibus, quæ eorum possident sepulcra. Probè cognoscit ex vndecies decies centenis millibus Martyrum, qui pro Christo sanguinem fuisse à quibusdam feruntur, solam Ægyptum imperantibus Diocletiano, & Maximiano purpuratam fuisse sanguine, centum quadraginta quatuor millium signatorum, non computatis septingentis millibus in exilium pro fide missis.

Cum

I V.

Cum Daniele Papebrochio contendis palmas haberi pro indicio Martyrij ambiguo, & illas non esse palmæ triumphalis, sed funebris cupressi notas. Sed quis non facilè discernit cupressum a palma? Oculis ad hoc opus est, non rationibus; si tamen incidentis ruditas illas non confundat, vt in figuris exprimendis, cœterisque rebus, in picturis, & sculpturis veterum Christianorum sæpissimè occurrit. Cœterum posset quis aduersus vos duos quantumvis eruditos viros ita disserere. Esto, dato non concesso cupressus aliquando incisa reperiatur in sarcophagis fidelium, ideo ne pro sanctis habendi non sunt, si concurrant alia signa? Potuerunt antiqui reliquiarum collectores cupressum vtpotè magis obuiam præ palma eligere condentes reliquias in tumulis non in signum lugubre, sed triumphale, præcipuè quando eò sæuitatis efferbuit persecutio sub Diocletiano, vt nulli quicquam vendere, vel

B 3 . eme.



emere liceret, nisi quibusdam idolorum imaginibus vbique passim appositis thura prius adolerentur, essentque constituti circa insulas, vicos, & aquas compulsores, qui neque molendi neque hauriendi aquas potestatem facerent, nisi ijs qui idolis libassent. Cum ergo huiusmodi superstitioni non acquiescentes mactarentur, tumultis ita condendi erant, vt Gentiles inde illos ex dato signo non extraherent, & fideles eodem signo possent venerari.

Gentilibus enim insignum lugubre erat cupressus, quia sicut rami cupressi ex trunco decisi numquam radices immittunt, sic cadauer resuscitandum fore nullatenus credebant. At Christiani resurrectionem mortuorum pro articulo fidei tenentes, cupresso vti fuissent propter mysticas significationes, quas illi tribuit post Origenem S. Ambrosius his verbis: *Genus hoc arboris nunquam amittit viriditatem suā hyemes iuxta vere, atque æstate comam pascit, nec diuerso colore mutatur. Solam hanc arborem ventus suo nunquam honore despoliat. Sola nunquam*

Orig. in
Cant. ho-
mli. 3.

S. Ambr: 1:
Psal: 118:

Octon: 4:

quam

quam veteri exuitur amictu, aut nouo flore vestitur. Sic Apostolica quoque gratia nescit defectum, sed vetustate sui floret, anima igitur corrumpi nescit, quæ florentibus meritis vigens, semper iustitia, ceterarumque virtutum culmina patienti magnanimitate sustentat, & ideo non defluit, neque decedit, quia in ea nihil rimosum est, ac remissum, nihil mobile, nihil lubricum, nihil quod vitio sermonis ex ea possit diffundi: Constantia igitur martyrum cupresso optimè designatur. Sed hæc ex abundanti dicta sint, non quod ita contigisse affirmem, verum vt ostendatur infirmitas argumenti, etiam si cupressus esset, non palma.

Vano etiam studio consumeris, cum facta hypothese, quod alicubi reperiantur incisæ verè palmæ, ex Baronio exhibente epitaphium Flauiae Iouinæ filiae Flauij Iouini hoc anno Consulibus probare tentas nequaquam illis martyrium euinci.

Nam in primis aliud est reperire palmas in lapide insculptas, ad modum ornamentis stemmatis gentilitij; aliud est

easdem reperire, vt signum martyris certum. Pro signo martyrij indubitato non habentur, quando hinc indè ponuntur vt corona, vel sustentaculum stemmatis : at palmæ, quæ in Flauiae epitaphio sunt, huius generis sunt, si tamen palmæ sint; Baronius enim dubitat, an fuerit palmæ, an verò ex lauro rami. Si igitur Eminentissimus Annalista Flauiam pro Sancta asserere recusa-uerit, partim ex hoc defectu prouenit; partim quia ex totius epitaphij attento examine lectori repente obuia est ratio, cur sanctitas illi neophytæ fuerit denegata. Sic se habet epitaphium. Præter amplissimam Christi monogrammatis figuram, & coronam veluti lauream eleganter circumornatam, erectis vtrumque duobus grandibus è palma, seu lauro ramis.

FL. IOVINA . QVÆ . VIXIT .

ANNIS . TRIBVS . D. XXXII : DEPOS.

NEOFITA . IN . PACE . XI . KAL . OCTOB.

Ex quo sine labore inferre licet, puel-
lulam triginta duobus diebus supra tres
annos dumtaxat natam non potuisse
peruenire ad palmam martyrij, eo tem-
pore, quo nulla efferuescebat persecu-
tio, aut quæ saltem in solos antistites
sæuebat, scilicet imperante Valente
Arianorum fautore.

Hæc dixerim: *Si Eminentissimus An-
nalista illam ut sanctam asserere recusaue-
rit*, quia nullibi, quod sciam, negat
Baronius istam neophytam pro Sancta
assertam fuisse, neque in Annalibus,
neque in notis suprâ martyrologium
Romanum. Si alibi apud Baronium,
tu, aut Papebrochius illud negatum
legeritis, alteruter vestrum mihi ad di-
scendum per quemcumque paratissimo
summam gratiam conferet locum indi-
candi, ut curiositatis ergo ad illum re-
curram. Aliàs enim illud argumentum

pu-

purè negatiuum est , proindeque parum concludit , immò nihil , vt , cum de Sancto Cateruio loquar ex ipsomet Baronio cuincam; siquidem non exprimi in Martyrologio Sanctum , vel Sanctam , non arguit è catalogo Sauctorum excludi ; quandoquidem id euidenter innuit Ecclesiæ vsus , quo lectioni Martyrologij adiungitur hæc clausula: *Et alibi aliorum plurimorum Sanctorum Martyrum , Confessorum , atque Sanctarum Virginum .*

Itaque si lauri sint rami in Iouinæ sepulcro , extrà disputationis nostræ campum sumus ; pro palinis enim certamus . Si palmas esse admittamus , iam illas incidendi modus non est consuetum signum , quod Romæ obseruant . Sed si quis velit in catalogo Sanctorum etiam reponendam esse Iouinam , in epitaphio illius insculptæ eò pacto palmæ designant ab huius vitæ asperitate transitum ad cœlestis regni decorem , vt suggerit S. Ambrosius : *palma* , inquit , *radix aspera est , sed nitorem maximum habet in fine ostendens per huius vitæ asperitatem*
ad

27

*ad decorem celestis patriæ nos debere sistol-
li.*

His addo Ecclesiæ loquendi modum
denotare palmas esse indubitatum mar-
tyrij argumentum; cum enim in Mar-
tyrologijs, in libris, & in pulpito de
Martyribus fit sermo, sic habet usus
loquendi: *Martyrij palmam consecutus
est*, iuxta quem modum Sancta Aga-
ta Quintianum Prætorem de se ipsa sic
alloquitur: *Nisi diligenter perfeceritis
corpus meum à carnificibus attrahi, non
potest anima mea in Paradisum Domini-
cum cum palma intrare martyrij*. Et de
SS. Innocentibus canit Ecclesia.

*Vos prima Christi victima,
Grex immolatorum tener,
Aram ante ipsam simplices
Palma, & coronis luditis.*

Huic consonat mos pictorum appro-
batus, quo Martyres à Confessoribus
discernunt, illos palmas præ manibus
tenentes repræsentando. Breuitati stu-
dens

3. Ambr.
Serm. 2.
Domin.
Quadrag.
S. Aug.
Serm. de
Innoc.
S. Greg.
1. 2. hom.
17. in
Ezech.

dens omitto SS. Ambrosium, Augustinum, & Gregorium Magnum, qui vnamiter palmam pro martyrij victoria explicandam esse docent.

Neque obstat allatum à Papebrochio decretum Sacræ Congregationis super Indulgentijs, & Sacris reliquijs, quo die 10. Aprilis 1668. statutum est *palmas eisque iunctum vas sanguine tinctum habendas esse pro signis certissimis verarum reliquiarum*. Nam duplici ex capite tibi nocet hæc auctoritas. Primò quidem, quia per Grammaticos superlativum supponit comparativum, & positivum. Cum ergo Sacra Congregatio palmas cum vase sanguine intincto decernat haberi pro certissimis verarum reliquiarum signis, significat palmas per se solas esse certum saltem signum reliquiarum. Secundò per Papebrochium, *aliorum signorum examen in aliud tempus reiecit*, ergo cum tenuerit hætenus palmas esse signum martyrij indubitatum, adhuc idem tenendum est, donec aliud statuatur, quidquid dissentiant Papebrochius, & Eusebius Romanus.

At

At fortè, inquis, plus valebunt palmae cum vasis sanguine tinctis? Quid hic herendum erat, eruditissime Eusebi, post adeò apertā declarationem Sacrae Congregationis laudatam? Potest ne evidentius assignari signum sanguinis pro Christo sparsi ipso sanguine? Caue ne quis tibi nimium infensus, zeloque correptus dicat quod ipse sit sanguis interfectorum propter verbum Dei, & propter testimonium quod habebant, & clamabant voce magna dicentes: Usquequo Domine (Sanctus, & verus) non iudicas, & non vindicas sanguinem nostrum de eis, qui habitant in terra, qui vindictam clamet in te sanguini Martyrum detrahentem. Sapienter quidem, & prudenter ab eadem Sacr. Congregatione decretum esse iudicas, palmas vasque sanguine tinctum haberi pro certissimis verarum reliquiarum signis, sed conditionali sequenti retractas ea, quæ restè priùs dixeras: si modo constet eiusmodi vasa sanguine tincta esse, non ad conser-

Apoc. 6.

nan-

uandos suffitus, aut odoramenta, aliaque id genus apposita fuisse Hæc coniectura stare nequit, nisi putes, Eusebi, Romanos reliquiarum inquisitorès, ac vindicatores dormiendo, aut clausis oculis illas approbare; facili enim negotio sanguis ab odoramentis, & suffitibus distinguitur. Vt tuam coniecturam probabilem reddidisses, tuum erat, vt mea est sententia, aliquod exemplum proferre vasorum in Catacumbis repertorum, in quibus loco sanguinis odoramenta, aut suffitus fuissent conseruata, & reposita. Priusquam illud adinueneris, noli fidelium pietatem tuis turbare dubijs, ac Prælatos in Diuinis, & in humanis peritissimos pro fallacibus tractare, ijsque fidem abrogare.

Legimus equidem in multis Sanctorum actis eorum corpora aromatibus, alijsque pretiosis vnguentis fuisse delibuta; at vasa odoramentorum in eorum sarcophagis apposita fuisse, nullibi hactenus scriptum reperimus. Refert Baronius de S. Petro Apostolo: *Cum in cruce sic affixus martyrium consummasset,*
à Mar-

à Marcello Presbytero eius corpus curatum, aromatibusque conditum magnificentissime more Regio, ne dum Iudaico tradidit sepultura. Balsamo pariter condita fuisse XII. Fratrum Martyrum corpora scribit Alfano Archiepiscopus Salernitanus.

Tunc Marcus Prasul venerabilis Urbis Ecane

Apud
Surium
tom; 5; 1;
Sept;

Cum Clero veniens Sanctorum corpora noctu

Detulit, & pretij fundens opobalsama magni,

Atque peregrino peregrinis rebus odori

Permixtis studio, solemnibus, & celebratis

Exequijs &c.

Pium illud officium à Presbyteris, immò à Papis religiosè observatum, ut speciatim legitur de S. Callisto, qui corpus Sancti Calepopij Presbyteri à piscatoribus in Tiberi repertum linteaminibus inuoluit, aromatibus condijt, & de

& de S. Marcello, qui ad S. Lucinæ preces corpora SS. Martyrum Cyriaci, Largi, & Smaragdi vnguentis prætiosis in-
vnxit: deuotis tamen matronis ad exemplum trium Mariarum corpus Christi Diuinum, quæ vnixerunt, frequentius fuit, ita vt in actis S. Alexandri Martyris notemus Tiberianum Tribunum his in generosum Christi Athletam vltimum fuisse minis: *Illud enim velim scias, carnes tuas, & ossa per singulas regiones, per quas ego transiturus sum dissipatum iri, ne mulieres ipsæ aliquid è carnibus tuis, & ossibus inueniant quod postea vnguentis odoratissimis perfundant, &c.* Tux autem coniecturæ adhuc quærimus exemplum.

Sur; to; r;
13; Maij:

Si loco suffituum aut odoramentorum dixisses vasa interdum aquam lustralem continuisse, rem acu tetigisses: iuxta enim ordinem antiquorum rituum eam in monumentis apponendam esse cautum erat. Talia sunt vasa quæ aliquando in muris, vel in tumulis vacua reperiuntur, sine vlllo sanguinis colore, sed reliquijs præpositi illa, vt
Chri-

Christianorum, non vt Sanctorum argumenta considerant.

Non ità est de illis vasis, quæ aut sanguine viuo, aut coagulato ditantur, quorum pleraque siue vitrea, siue figulina videntur insculpta in palmæ figuram, aut cum inscriptione SAN. id est, Sanguis, aut cum numero superscripto Martyrum, quorū sacer cruor diligenter in illis asseruatur. Multa istorum se adinuenisse testatur Bosius, qui etiam fidem facit se aliquando in illis vasis puluerem contentum aqua temperasse, & protinus sanguinis colorem comprobauisse naturalem.

Roma
Subter. 1.
3. c. 23.

Sed ne dicas colorem rubrum potuisse etiam referre aromata, recordare, quæso, quod tibi notus Leibnitz vir peritissimus eodem tempore, quo Romæ degebas, arte chymica, vt omne dubium tolleret, sublimasse materiam istis vasis adhærentem, & experimento facto comprobasse in illis sanguinem animalis contineri. Cum domesticos, & externos, Catholicos, & hæreticos hac de re testes habeamus, nullus est ambigen-

C

bigen-

bigendi de sanguinis realitate in ipsis
vasculis contenti locus .

Quæ mihi ostensa sunt, solaribus radijs exposita ita sanguine rubescunt, ut iam iam e venis effusum crederes, & ebullientem putares . Procul dubio citrà miraculum hunc colorem viuum retinere à tot seculis nequiverunt . Vides quantam adhibent diligentiam reliquiarum assertores , ne in errorem subrepant . Non ea minore utebantur olim Martyrum contemporanei , qui ut nobis certissima relinquerent testimonia, spongijs sanguinem trahebant, illumque in vasis exprimebant, linteamina in amphitheatra immittebant, ut ea sanguine purpurata nobis conseruarent, immò carnificum vestes , quæ Sanctorum Martyrum sanguine infusæ erant , multo auro , & gemmis , pretiosisque ornamentis comparabant .

Si aliquod dubium ea super re patiaris adhuc , hoc accipe miraculum tempore Pij V. perpetratum , quo penitus liber eris . Beatus Pius V. in medio fori Basilicæ S. Petri occurrens legato

Stella Abbas
Riforma alla
censura di
P. P. En-

gato Sarmatarum Regis , ab illo suppliciter fuit rogatus , vt sibi daret reliquias , quas Regi suo pollicitus fuerat . His auditis B. Pontifex è lectica descendit , strophium suum expandit , illudque terra illa , quam martyrio illic coronatorum sanguine purpuratâ censebat , implet , quod legato præbet dicens : Hæ sunt Sanctorum Reliquiæ . Summa deuotione illas excipit legatus , qui in palatium suum reuersus , strophium explicat , & sanguine viuo plenum reperit . Dic quæso , Eusebi , terra quorumcumque pedibus conculcata in sanguinem mutatur , quomodo vasa , quæ ex antiqua traditione scimus ad Martyrum sanguinem conseruandum adhibita fuisse , aliud à sanguine testari possunt ?

schenio, c
Papebro-
chio so-
pra il
Mart.
Brescia-
no c. 10.

V I.

Transis postea ad secundi generis tumulos , qui humatorum nomina & inscriptiones habent , & dicis eos maioris videri auctoritatis , immò certæ , si Martyris titulum præferant , secus si hoc

titulo destituantur. In hac cauda adhuc latet venenum, Eusebi; quia pro tumulis, vbi adsunt nomina, & inscriptiones eadem afferuntur diligentiae adhiberi solitæ pro illis, qui inscriptione carent. Epigraphæ inuenta reuoluitur lapis, si desit palma, aut sanguis, vel instrumentum martyrij cum aliquo vulneris vestigio inflicti nō asseritur pro sancto, saltem quando non detegitur Sancti, aut Martyris titulus. Vndè nō declarantur Sancti, aut Martyres propter inscriptionem, sed propter signa, quæ in sarcophago deteguntur. Non vt plebeij secundum sepulcrorum faciem iudicant Sacris Reliquijs Prælati, sed quatenus Deum, qui solus scrutatur corda & renes, imitari possunt, de internis tumulorum secretis sententiam ferunt. Tali præmissio examine probata sunt corpora S. Vrsini in Cappella domestica ædis Abbatialis Sancti Martini apud Pontifaram depositi: S. Attiani, cuius sacras exuuias obtinuerunt PP. Theatini Parisienses; S. Iuliæ quam iure merito vulgauerunt Martyrem Augustiniani

Tho-


Tholosates, etiam te auctore, qui pagina 225. itineris Italici ultro fateris eius corpus repertum fuisse in Cemetorio S. Callisti cum corpore alicuius Martyris, cuius martyrium, vt inficiari nolueris, attestabatur vas vitreum. Si de illa Sancta id afferas, de alijs duobus, quos reprobas, idem censendum sit, necesse est. Sine enim probationibus certis ab Eminentissimo Cardinale Vicario, vel ab Illustrissimo Sacrista non donantur Reliquiæ. Ideo ab alijs inquisitionibus abstinui, vt SS. Vrsinum, & Attianum vindicarem. Tua eruditio pariter poterat abstinere à suo contorquendo ingenio, vt tres errores in S. Iuliæ epigraphæ computaret, qui tamen nulli essent, si ad limam expenderentur.

Primò hæ duæ maiusculæ initiales D. M. apud Christianos à Paganorum ritibus abhorrentes, & præter quos nullus secundum te in catacumbis sepultus est, rectius Deum Maximum, quam Deos Manes significant.

Idque confirmo exemplo alterius epigraphæ in Cemetorio Priscillæ in-

Roma,
subter. 1.
3. ca. 61.
pag. 512.

noua via Salaria repertæ, vbi eadem
Maiusculæ inscribuntur è regione ha-
bentes Christi monogramma, & Co-
lumbam in rostro ramum oliuæ tenen-
tem, & in latere epitaphij vasculum re-
pertum, sic habet .



U

Hæc autem Christiani signa, mono-
gramma scilicet, Columba, & Vas
nullam aliam interpretationem patiun-
tur, quam Deo Maximo Sacrum, &
Deos Manes prorsus excludunt. Quod
si in Cæsonii epitaphio D. M. pro Deo
Maximo ponitur, eodem iure in S. Iulix
epigraphe eadem litteræ iuxtà eandem
inter-

interpretationem sumendæ sunt.

Secundò Iulia, vt initio huius num. de omnibus insinuauit, non ex epitaphio Martyr declaratur, sed ex vase cruentato.

Tertiò quamuis epitaphium illud.

D. M.

IVLIA . EVODIA . FILIA . FECIT
CASTÆ . MATRI . ET . BENENERENTI
QVÆ . VIXIT . ANNIS . LXX.

Fuerit factum Castæ: non abs re reliquiarum dispensatores in vna vrna reperientes duo corpora & vasculum cum sanguine, & feminae corpus esse dignoscentes, illud quod Augustinianis Tholosanis donatum est, pro facultate, qua gaudent, anonymis Martyribus hoc vel illud nomen indere, Iuliæ nomen ex proxima inscriptione, vtpotè obuium, & auribus familiarè indiderunt, absque confusionis periculo; in illa enim epigraphe externa, non Iuliæ corpus contineri, sed Castæ

Matris indicabatur. Illis prætereà occurritur difficultatibus tibi subscribendo, scilicet, multas Paganorum inscriptiones ex proprijs locis fuisse reuulsas à Christianis ad loculos suorum recludendos, sed à periculo falsi cultus saluamur vasculo sanguinis cum corpore Iuliæ reperto, licèt admitteremus illud epitaphium esse vnum ex illis sepulcralibus Gentilium, quo vsi fuissent fideles ad condendum Iuliæ corpus. Et quidem vix possibile fuisset vnicuique Martyrum suum aptare lapidem, maximè sub Diocletiano, qui vt refert liber Romanus, 17. millia Martyrum vno mense trucidari iussit. Quamuis omnes Christianos in Catacumbis inclusos supponeres fuisse sculptores, vix potuissent singulis Martyribus inscribere tumulum, illo angustiarum tempore quo sibi ne victum quidem comparare poterant. In illis igitur contra religionem non peccatur.

Si verò reprehendendum putes, quod Sancti alijs nominibus, vt aiunt baptizentur; arguas igitur Sanctum

Mel-

Melchiadem Papam, & Martyrem, qui per Adonem, & Venerabilem Bedam statuit, vt. anniuersarius dies IV. Coronatorum recoleretur, quamuis eorum nomina minimè nota essent, & intercurrentibus post hac annis Sancto cuidam viro reuelata fuerint. Corrigas pariter quotquot fuere Pontifices à IV. sæculo, qui iusserunt socium Sancti Felicis sub nomine Adaucti quotannis solemniter honorari, licet eius nomen soli Deo adhuc notum sit.

Quod si Coronatos, & Adauctum dicas esse nomina non propria, sed epitheta, idem planè fit à dispensatoribus reliquiarum, quia singula nomina, quæ communicantur, vel quibus, vt vulgo loquamur, corpora Sanctorum anonymorum baptizantur, sunt etiam epitheta, vt quisque videre potest in hac serie, quæ typis edita ab eisdem superioribus dispensatur artificibus orbiculorum, quos fragmentis reliquiarum insigniunt.

S. Albani Mart.

S. Au-

- S. Aurelia Mart.*
- S. Benedicta Mart.*
- S. Benigni Mart.*
- S. Bonifacij Mart.*
- S. Blanda Mart.*
- S. Candida Mart.*
- S. Celestina Mart.*
- S. Clara Mart.*
- S. Clementia Mart.*
- S. Columba Mart.*
- S. Christina Mart.*
- S. Constantia Mart.*
- S. Crescentia Mart.*
- S. Deodata Mart.*
- S. Desiderij Mart.*
- S. Donati Mart.*
- S. Diodori Mart.*
- S. Faustina Mart.*
- S. Fortunata Mart.*
- S. Felicis Mart.*
- S. Felicissima Mart.*
- S. Honesti Mart.*
- S. Illuminata Mart.*
- S. Innocentia Mart.*
- S. Iucunda Mart.*
- S. Iucundine Mart.*

S. Iu-

- S. Iustæ Mart.*
S. Iustine Mart.
S. Liberatæ Mart.
S. Lucidæ Mart.
S. Magni Mart.
S. Maxime Mart.
S. Modestæ Mart.
S. Pacificæ Mart.
S. Pij Mart.
S. Placidæ mart.
S. Prosperi Mart.
S. Reparatæ Mart.
S. Seueræ Mart.
S. Seuerinæ Mart.
S. Secundæ Mart.
S. Theodoræ Mart.
S. Victoriæ Mart.
S. Vincentij Mart.

Verum est extra huiusmodi seriem
 nomina tribui, vel ex inscriptione exte-
 rius posita, quæ possit Sanctis compete-
 re, vel ex alia occasione iuxta petentis
 votum, sed sic adhuc evitatur confusio
 Sanctorum synonymorum ea ratione,
 qua inter Alexandros, Athanasios, Ba-
 filios,

filios, Theodoros, quos plures inter Sanctos inscribi in indice Martyrologij nemo potest inficiari. Non decet autem hominem rationis compotem audito, vel lecto vno Sancti alicuius nomine existimare esse illum, qui fama notissimus est, vel qui apud aliquos maiori veneratione colitur. *Ex his nemo non videt nullo fundamento te dixisse graviter in huiusmodi rebus contra religionem peccari, dum Sancti Martyres assentuntur, quos Christianos fuisse vix, ac ne vix quidem demonstrari potest.*

V I I.

Postquam Romanos Præsules erroris contra religionem accusasti, occasione trium Sanctorum Roma ad vectorum in Galliam, Tolentinales eiusdem peccati infimulas, eo quod Cateruium sibi olim Patronum adsciuerint, tanquam Sanctum & Martyrem, quem Baronius Martyrologio Romano ascribere noluit (ut ais) lecto eius epitaphio, quod Cateruium Christianum quidem fuisse probat, Sanctum,

Etum, aut Martyrem fuisse non probat.

Vnicum est tuæ accusationis caput, ad cuius dilutionem ad Tolentinales te remittere possem, per ly ipsi viderint, solum enim Sanctos è Catacumbis sublato vindicare proposui: sed ne inde litis tuæ victoriam existimes, duo ad accusationem tuam replico.

Primò dico Tolentinales non sine fundamento sibi in tutelarem elegisse S. Cateruium, attestante antiquissimo epigrammate ad parietes templi Cateruiani exarato, Euangelium ab ipso Cateruio fuisse Tolentinatibus annunciatum.

Sacra Tolentinum docuit te lingua Caterui,

Et verum ostendit, quem sequerere Deum.

Hoc tibi præ cunctis decus est, & gloria terris

Dicaris Christi prima subijisse iugum.

Sed caue degeneres, iterum que ad falsa traharis

Numina, tartareis aut capiare dolis.
Ideo

Ideò extruxerunt prisco suo tutelari nobile templum cum cēnobio inuidiosis opibus locupletato, quod primū Benedictinorum erat, sed in vsum Canoniconum Lateranensium transijt sub Iulio II. Hoc autem non attentassent, nisi de Cateruij sancti tate fuissent moraliter certi Tolentinatum Episcopi, penēs quos, sicut & cēteros Ordinarios erat ad XII. vsque sæculum de Sanctis decernere, & patronos eligere. Nec credi potest inscio Papa tot adeo famosa ædificia, in honorem S. Cateruij prope muros Romæ, vt ita loquar, fuisse constructa.

Hæc tria, nempe, templum, cēnobium, & epigramma Cateruij Sanctitatem testantia, omnibus præualent archiuiorum monumentis. Vnde non satis mirari possum, quo pacto Sanctum tot in signibus celebrem è numero Sanctorum deleri volueris. Aliter iudicauit Urbanus VIII. die 13. Martij 1625. qui cultum Sanctorum ab Ecclesia non approbatorum prohibens, hac moderatione vtitur, vt declaret, quod *supradicta*

dicta præiudicare in aliquibus non vult, neque intendit ijs, qui aut per communem Ecclesiæ consuetudinem, vel immemorabilem temporis cursum, aut per Patrum, virorumque Sanctorum scripta, vel longissimi temporis scientia, ac tolerantia Sedis Apostolicæ, vel ordinarij locorum coluntur. Quæ omnia in S. Cateruij casu adaptari rectissimè possunt, præsertim post declarationem eiusdem Summi Pontificis, qui rogatus, quid per longissimum tempus, & immemorabilem cursum esset intelligendum 5. Sept. anni 1634. respondit: Longissimum tempus, illumque immemorabilem cursum, de quo in prædicto decreto, intelligi declaramus tempus centum annorum. At quot fluxerunt sæcula, ex quibus S. Cateruius honoratur tolerantia Sedis Apostolicæ, & scientia ordinariorum Tolentinatum?

Secundò probare ne posses, quod Baronius fuerit rogatus, vt S. Cateruium Martyrologio Romano ascriberet ante eiusdem editionem? nam ex pura omissione alicuius in Romano Martyrologio

gio perperam infertur illum non esse Sanctum, vt ipsemet deducit Baronius triplici ratione. Prima est, vt dicit

Præcap.
in notas
Martyrol.
c. 8.

Hom. 37.
in Euang.

Psal. 147.

S. Gregorius: ipsi SS. Martyres Deo numerabiles, nobis super arenam multiplicati sunt, quia quotquot sunt, à nobis comprehendendi non possunt; nouit enim eos tantum ille, qui numerat multitudinem stellarum, & omnibus eis nomina vocat. Secunda est, quod ex instituto antiqui ritus Ecclesiæ breuitati sit studendum. At in quamnam prolixitatem extenderetur Martyrologium Romanum, si vt quidam computare conati sunt Martyres vndecies decies centenos mille, triginta millia singulis diebus legenda traderentur, non annumeratis Confessoribus, Virginibus, & Viduis? Tertia denique, quod non intenderit Ecclesia Romana nouum edere Martyrologium, sed vetus ex veteribus exemplaribus restituere. Quapropter subiungit idem Baronius: *Nec est propterea quod quis miretur, si in eodem ipso, de quo agimus Martyrologio Romano, clarissimos illos Martyres videat illos pratermissos, quos nostro*
seu-

*seculo ob tuendam, propagandamque fidem
 penas atrocissimas, si qui olim Martyres
 in Anglia potissimum, atque in Gallijs, ab
 hereticis passos, & in Cælum (ut par est
 credere) inter alios Martyres equali scimus
 triumpho gloria coaptatos, nec insuper illos
 inueniat recensitos, qui velut tonitruum filij
 in similitudinem fulguris coruscantis nouo
 orbi Euangelico lumine illuxerunt, ac fidei
 causa martyrium subiere. Vndè si Baro-
 nius recentes Martyres accensere Mar-
 tyrologio negauerit, non est quod mi-
 remur, si antiquos in eodè de nouo in-
 scribere recusauerit Martyres, quorum
 acta corruptione non carent, qualia
 esse dicit idem Baronius acta Cateruij,
 quæ vidit, asserens ipsum Cateruium
 vixisse sub Imperio Gratiani, cuius le-
 gitur rescriptum ad Cateruium sacra-
 rum largitionem Comitem, in Codice
 Theodosiano; sed hæc epocha non con-
 uenit cum epigrammate supra relato,
 nec cum Tolentinatnm traditione, &
 facilè fuit Baronio pro alio vsurpare: quan-
 quam sufficienter Cateruij Sanctitatem*

Tom. 4.
 Ann. ad
 an. 379.

D

astru-

astruat, illum virum pietate insignem
prædicans.

Multa de eiusdem epitaphio dicen-
da occurrerent, sed breuiter moneo I.
non esse tecum in prima linea legen-
dum.

ELIO VL. CATERVIVS V.C.

Tomo 2.
Italiæ Sa-
era de
Epif. To-
lentinis.

Sed vt accepit Vghellus à Matthæo
Sauio patriæ scientiæ peritissimo.

Fli. Vl. Cateruius V.C.

Ex Præf. Prætorio

Qui vixit cum Septimia

Caij filia

Seuerina C. F.

Dulcissima Coniuge annis XVj.

Minus D. xiiij.


Quieuit in pace annorum lvj.

Dierum xviiij. xvj. Kal Nob.

Depositus est iiij. Kal. Dec.

Septi-

51

Septimia Seuerina C. F.
Marito Dulcissimo sibi Sarco-
phagum
Et Panteum cum Tricoro
disposuit & perfecit
 A  Ω.

Quod idem sonat, ac Flisius Vlpus
 Cateruius vir clarissimus. In hoc errat
 Ferrarius, qui, iuxta te inscriptionem
 S. Cateruij corruptè refert, quod illum
 sextò consulem Urbis ex epitaphio con-
 tendat asserere, & ideò neget acta S.
 Cateruij à se descripta, non esse illius
 Cateruij, cuius inscriptio legitur To-
 lentini in Templo San Cateruiano, quia
 in illis mentio non fit de Septimia eius
 coniuge dulcissima. Debebat recorda-
 ri ipsemet Ferrarius suæ narrationis
 de miraculo S. Cateruij, quo è mortuis
 ad viuos reduxit suam coniugem. De
 Septimia igitur fit mentio in actis Ca-
 teruij, licet non sub nomine expresso.

Catal. SS.
 Italic 10.
 Decembo

D 2

Se,

Secundò moneo me non percipere quomodo acta Cateruij emendari possint ex epitaphio, vt initinere Italico suggeris; quia quamuis ibi narretur S. Caterium quieuisse in pace annorum LVI. dierum XVIII. tacetur tamen sæculum, & consulatus, quo ad Deum migravit, & si illo non demonstretur absolutè eiusdem sanctitas, saltem nec negatur.

VIII.

Pace tua, optime Eusebi, in perislogiam videris incidisse num. V. his verbis; *Verum & si pro Sanctis indubitanter habendi essent, non continuò publici illis honores decernendi essent, & in exemplum vniuersis fidelibus proponendi, nisi id martyrio certo consecuti essent.* Nam Martyrium illorum sufficienter probatum est num. III. IV. & V., vbi de palmis, & vasis disserui; & publici honores, quos illis tribuunt quidam, ab Ecclesia Romana reprobantur: nec minores illis reddi possunt, quàm vt fidelium venerationi exponantur.

Per-

53

Pergis : *Quis verò de Sanctis illis incognitis hoc asserat ? si de vita eorum, vel martyrio quæritur, silet antiquitas. si maiorum de illis testimonium, nullum est.*

Quæro à te, Eusebi, quis in eorum sarcophagis apposuit palmas, aut vasa cruore tincta? Nonne antiquitas? Nonne maiores? Illa autem signa nonne æquipollent verbis, vt de illorum martyrio fidem faciant? *Si facta, & actiones; nullæ, perinde, ac si numquam illi extiterint.* Verò in te argumentum: si facta, & actiones SS. Georgij, Christophori, Placidi, Margaritæ, Vrsulæ &c. quærantur, nullæ perinde, ac si numquam extiterint, si quidem eorum actis, vt potè corruptis, perinde, ac si nunquam fuissent, possumus denegare fidem. Illos tamen publicis Officijs honorari non contradicis, nec igitur Sanctorum à Prælatiis Romanis recognitorum venerationi illi modicæ obsistas? *Si vel nomen plerorumque penitus ignoratur.* Nomina etiam SS. Innocentium, XL. Martyrum sub Licinio, Militum legionis Thebæorum, Sociorum

S. Placidi, & Vrsulæ commartyrum penitus ignorantur, non ideo tamen abstinet Ecclesia ab illorum festis quolibet anno celebrandis, nec igitur curandum est, si nomina Sanctorum Roma aduectorum nesciantur.

Quod si dicas sufficere nomen vnus ex numero distinctum, ac certum, vt Vrsulæ cum sociabus, Placidi cum Socijs, Mauritij cum Socijs: da vnum nomen in celebrando festo quadraginta Martyrum, & alias turmas Martyrum per numerum magnum indicatorum in Martyrologio, immo absque numero, vt in festo Sanctorum Innocentium. Neque alia ratio est plures simul celebrandi, alia vnum si ergò absque nomine plures consuevit Ecclesia, quos aliunde nouit esse Martyres venerari, id ipsum de vno, vel vna Martyre licebit, si eadem Ecclesia permittat.

Si nomina, facta & actiones tot Martyrum adhuc quærantur, hoc tribuendum esse censeo, aut persecutionum immanitati, aut temporum iniuriæ. Persecutionum quidem immanitati, quæ
tot

tot simul metebat, ac rapiebat Christi Martyres, vt non valuerit vigilantia septem notariorum à Sancto Clemente super actis Martyrum notandis Romæ institutorum, facta omnia describere, nec id supplere potuerit diligentia septem Subdiaconorum à S. Fabiano septem Notarijs præfactorum, vt gesta celeriter, & compendiosè excepta, literis integris absoluerent. Temporum autem iniuriæ, quia nemo nescit acta Sanctorum Martyrum fuisse diligentissimo studio perquisita, & Diocletiani studio igni tradita. Nec gratis dicam, plerorumque Sanctorum, de quibus est quæstio, acta sic perijisse. Erat enim ea Tyrannorum rabies, vt omnem Martyrum memoriam delere voluerit cum nomine Christiano. Mortis erat sufficiens causa, martyrum acta inquirere, & ideò S. Anterus Papa Martyrio coronatus est, quia vt narrat Eusebius in Chronico, *gesta Martyrum diligenter à Notarijs* (idest publicis exceptoribus, seu grapharijs, vt scirentur quæ intra cancellos obducto velo à iudicibus Marty-

res interrogati dicerent) *inquisisset , & in Ecclesia recondidisset . Quid ergo , pergis , ædificationis ex illis elici potest , ut in exemplum , & cultum toti Ecclesie proponantur ?* Respondeo id ædificationis , quæ elicitur ex cultu multorum Martyrum in diuersis celeberrimis Monasterijs à Northmannis occisorum , quorum ne nominum quidem remanet memoria . De vitis SS. Ouidij , Felicissimi , & Victoris aptius in appendice aliquid dicam .

I X.

Nouam litem intentas cum ais num.
 VI. *Non satis est illos esse Martyres : Vindicatos quarimus , id est , agnitos ab Ecclesia Martyres ac probatos .* Cum ab Episcopis vindicari debeant reliquiae , certè Sancti Martyres , qui Romanis è Cœmeterijs transferuntur à Card. Vicario , & Sacrarij Apost. Præfecto , & Episcopo post seuerum examen probantur . Hinc nullo modo culpandi sunt fideles Sacras Reliquias ab illis sagacissimis vindicatoribus probatas venerantes . Non
 . sic

fic erat de Lucilla, quam commemo-
ras prædiuite matrona, quæ à Cecilia-
no Carthaginensi tunc archidiacono
correpta est, quod ante spiritalem Sa-
cræ Eucharistiæ potum, os, nescio cu-
ius Martyris nondum vindicati libaret,
& propterea in eum odio percita fouit
Donatistarum schisma, Cecilianumque,
vt ab Episcopatu Carthaginensi, quo
post mortem Mensurij sublimatus est,
deturbaret, omnem mouit lapidem.

Speciosa videntur, quæ refert lau-
dans S. Martini Turonensis diligentiam,
qua latronis ob scelera sua percussi, &
quem vulgus pro Martyre colebat, a-
ram subuertit. Sed si integram Seueri
Sulpitij narrationem texuisses, Roma-
nos Antistites rudi vulgo non compa-
rasses. En vt loquitur: *Erat haud longè*
ab oppido proximus monasterio locus, quem

In vita S.
Martini.

falsa hominum opinio
velut confepultis ibi martyribus consecraue-
rat, nam, & altare ibi à Superioribus Epis-
copis constitutum habebatur. Sed Martinus
non temerè adhibens, incertis fidem, ab his,
qui

qui maiores natu erant Presbyceris, vel Clericis flagitabat sibi nomen Martyris, & tempora passionis ostendi grandi scrupulo se permoueri, quod nihil constans sibi martyrum memoria tradidisset. Cum aliquādiu à loco illo se abstinuisset nec derogās religioni, quia incertus erat, nec auctoritatē suam Vulgo accomodans, ne superstitio conualesceret, quadā die paucis secum adhibitis fratribus ad locū pergit. Deinde super sepulcrū ipsum adstans, orauit ad Dominum, ut quis esset, vel cuius meriti sepultus, ostenderet. tum conuersus ad lauam vidit prope assistere umbram sordidam, & trucem. Imperat nomen meritumque, ut loqueretur. Nomen edicit, de crimine confiteatur, latronem se fuisse ob scelera percussum,

Vulgi errore celebratum

sibi nihil cum martyribus esse commune, cū illos gloria, se pena retineret. Quis non videt cultum illi latroni exhibitum incēpisse à vulgo se accomodare cui nolens Sāctus Præsul, nihil omisit, ut originem, & finem huius venerationis detegeret, & detexit propria damnati confessione
se

se fuisse vulgi errore celebratum . Scrupulum omnem deposuisset S. Martinus, si corpus Romæ confirmatum, ac vindicatum litteris testimonialibus ad id à Summo Pontifice deputatorum sciuisset illic honorari .

*Sed altare ibi à Superioribus Episcopis constitutum habebatur . Quid tum ? Nonne Episcopi aliquando ex culpabili fcordia, & nimis incauta credulitate importunis vulgi precibus tribuunt, quod si ex pastoralis vigilantia sedulò expenderent, nullatenus concederent ? Sic constitutum fuisse altare ipsius latronis censendum est . His positis dic, Eusebi, amabo te, quicquam ne istorum adaptari potest reliquijs, quæ è Catacumbis Romanis eruuntur ? Illarum ne dispensatio, illarumne aptobatio vulgo relinquitur ? Non est igitur ratio propter quam monueris : *Hæc cautela si erga Sanctos illos incognitos adhibebitur, non tam facîle in publicum fidelium cultum deinceps exponendi erunt .* Laudanda est, fateor, S. Martini in hoc facto vigilantia, sed non minus laudanda est Prælatorum*

torum

Epit. to.
ad ann.
1181.

Cor. 6.

De Cano-
niz. SS.
c. 82.

torum Romanorum , immo, & Summo-
rum Pontificum in Sacris Sanctorum
exuijs comprobandis sedula perquisi-
tio . Si de eis à me exempla postulabis,
egregium præstabit Alexander III. , qui
recepta Arnulphi Lexouienſis epiſtola ,
cuius ſummarium legitur apud Spon-
danum , ità efficaciter obuiauſit pseudo-
martyrum cultui , vt exinde Sanctorum
canonizatio Pontifici maximo fuerit re-
ſeruata hoc decreto, quòd habetur ex-
tra , cap. audiuiſus , de reliquijs , &
veneratione Sanctorum: *Audiuiſus quod
quidam inter vos diabolica fraude decepti,
hominem quemdam in ebrietate occiſum ,
quaſi Sanctum (more infidelium) vene-
rantur , cum vix pro talibus in ebrietate
peremptis Eccleſia permittat orare ; dicit
enim Apoſtolus : Ebrioſi Regnum Dei non
poſſidebunt . Illum ergo non præſumatis de
cætero colere , cum etiam ſi per eum mira-
cula fierent , non liceret , vobis ipſum pro
Sancto abſque auctoritate Eccleſiæ Romanæ
venerari . Non dedigneris, etiam rogo,
ad Felicem Contelorium recurrere .*
Apud eum de ſuccedentium Pontifi-
cum

cum diligentia circa cultum Sanctorum
 adhibita certior fies, per duas Episto-
 las Urbani V. apud Montefiasconem an-
 no Pontificatus sui sexto scriptas. Ha-
 rum prima Archiepiscopo Rauennaten-
 si, eiusque suffraganeis præcipit, ut
 quosdam sui districtus coerceat Iaco-
 bum quondam, & Francischinum ictu
 fulminis percussum, in plateis, & in-
 corum Ecclesijs, ut Beatos prædican-
 tes, ac altaria sub eorum inuocatione
 erigentes. Altera vniuersis fratribus E-
 piscopis per Ducatum Britanniae con-
 stitutis vetat, ne Carolus de Blesio
 tanquam Martyr, & Sanctus coleretur.
 Ibidem legere poteris decretum Urba-
 ni VIII. num. 7. laudatum.

Florebat.
 an. 1361.

Non magis tibi fauet quod narrare
 pergis de Gregorio Lingonensi, qui cor-
 pus S. Benigni pro Sancto admittere
 negauit, donec historiam passionis eius
 ex Italia recepit. Immo telum in te
 vertis, ex hoc enim capite infertur,
 quanti aestimauerint olim Galliarum
 Præsules Romanæ Ecclesiæ sententiam,
 qui nihil temerè aggressi sunt circa

San-

Sanctorum assertionem , nisi prius consultata, & habita S.Sedis Apostolicæ sententia , cui citò , & humiliter absque tergiuersationibus adhæserunt . Vtinam illos fuisses imitatus , & non in similes exclamationes prorupisses . *Ab bone Deus! Quanta olim Romanæ Ecclesiæ in his cautela erat! quæ, teste Gelasio, gesta Sanctorum Martyrum, non incertorum, sed verorum, in diuinis officijs legi non patiebatur, propterea quod scriptorum nomina ignota erant, & auctoritas. Quasi verò Innocentius XII. aut alius eius præcessor ab hac antiqua cautela recessisset. Nec ideo præcisè, Eusebi, pace tua dixerim, acta Sanctorum in Ecclesia non recitabantur, quia nomina eorum ignorabantur, sed potius quia ab infidelibus, aut idiotis superflua, aut minus apta, quam rei ordo fuerit scripta esse putabantur, vt ipsemet indicat Gelasius in Concilio Romano LXX. Episcoporum.*

Prosequeris: *quantò magis incertorum martyrum cultum prohibuisset? Et verò prohibet etiam nunc, vt patet ex illo generali*

rali decreto iam laudato . Prohibet , fa-
 teor, Romana Ecclesia cultum illum so-
 lemnem , sed non propterea quod sit
 incerta de illorum martyrio , sed vt di-
 scrimen faciat Sanctorum nomine , &
 factis cognitorum ab ignotis . Cum sit
 incerta de genere supplicij , de tempore
 passionis , nomine , & gestis , non pos-
 set nisi lectiones de communi Marty-
 rum assignare, quod non facile concedit.
 Quenam autem lectiones propriæ de
 illis recitarentur, stantibus illis dubijs?
 Quonam modo illos depingeret ? iuue-
 nes , an senes ? Quid certi de illis in
 pulpito enarrari posset ? Duobus illis
 verbis clauderetur concio, nempe, quod
 constantiam in fide martyrio probaue-
 rint .

X.

Grauem difficultatem pateris num.
 VII. eruditissime Eusebi , in hoc quod
 non obseruentur pro Sanctis, quos vo-
 cas incognitos , tantæ litium prolixita-
 tes , quantæ in canonizandis nouis ad-
 hibe-

hiberi solent . Sed euanescit hæc difficultas perpensis rationibus , propter quas tot accurati ritus , & morosa diligentia in asserendis Sanctis , maximè Confessoribus adhibentur , quæ pro nostris Catacumbarum non militant . Pro nouis Sanctis in albo cœlitum describendis ingentes præmittuntur hæ cautelæ , primò vt hypocrisis à vera virtute secernatur , quæ tandem temporum diuturnitate , ac inquisitionum diligentia detegitur , vt euenit in casu cuiusdam Hermanni , qui cum sanctitatis fama vitam clauferat , post viginti tamen à sua morte annos iubente Bonifacio VIII. propter hæresim , quam sub pietatis larua tegebat extumulatus fuit , & eius ossa concremata fuere . Secundò ne vilescat sanctitatis nomen pro tanto numero Sanctorum , qui foret , nisi obseruarentur illæ cautelæ pro Confessoribus . Frustra igitur putem à te collecta Gregorij IX. verba de canonizatione S. Antonij de Padua : illa enim pro Confessoribus valent , non pro Martyribus iuxta principia Guiberti Ab-

Platina in
Bonif. 8.
pag. 11:

ti Abbatis tam sæpe à te laudati, & hæc verba verè aurea proferentis: *Martyres planè, & si scripta conticeant, solius prærogatiua sanguinis extulit; nec queritur in Martyribus, quæ vita præcesserit, cum ad vetustissimorum repurgia criminum cruor ipse satis sit. Iesu bone! Quidni, cum ad omnem gloriæ sufficientiam etiam sceleribus abolitis potis sit: pena enim ipsa, sicut ante baptismum culpas obliterat, & vices agit lauacri, ac saluationis, immo clarificationis certissime effectrix est.*

Quantum ad Concilium Francofordiense, Carolo Magno regnante habitum, quod Canone 42. statuit, ut nulli noui Sancti colantur, nec memoriæ eorum per vias erigantur, sed hi soli in Ecclesia venerandi sint, qui ex auctoritate passionum, & viæ merito electi sunt, adhuc intemeratum remanet, saltem quod summum Pontificem, qui vetat cultum solemnem, quo memoriæ, seu Ecclesiæ in Sanctorum baptizatorum honorem per vias erigantur.

E

Eſto

Lib. I. de
pign. SS.
c. 3.

Esto, inquis, hi Martyres fuerint. Interest scire quam ob causam cæsi fuerint, nō enim quosuis Martyres agnoscebat olim Ecclesia, qua temerè in media pericula irruentes reijciebat, teste Mensurio Episcopo in Collatione Carthaginensi. Alia hīc latet æquiuocatio, Eusebi Romane; nam hæc duo toto cælo inter se discrepant. Non agnoscebat Ecclesia in media pericula irruentes esse Martyres; & non agnoscebat esse honorandos, vt Martyres. Martyres enim distinguere oportet. Alij sunt, qui cruciātur, & céduntur siue à seipsis, siue ab alijs quacumque de causa. Hoc pacto rectè scribis Martyres non facere passionem, sed causam. Illi verè Martyres non sunt, sed pseudomartyres. Ideoque Donatistæ frustra vocabant Martyres ex suis, quos videbant se præcipites è rupibus deturbare, aquis se præfocare; & in eos, qui causa pia céduntur ob Christi fidem, & hi verè Martyres sunt, sed Ecclesia aliquo tempore modum quemdam vetabat Martyrij, scilicet offerendi se sponte ad martyrium, denegando huiusmodi martyribus

bus honores quosdam speciales. Hoc solum modo Mensurius Carthagenensis Episcopus reijciebat Martyres vltro se morti offerentes, vt patet ex verbis S. Augustini verborum Mensurij interpretantis sensum: *Lectum est eos, qui se offerrent persecutoribus non comprehensi, & vltra dicerent se habere scripturas, quas non traderent (conquirebant tunc Donatistæ heretici scripturas sacras, vt eas igni traderent) à quibus hoc nemo quesierat, displicuisse Mensurio, & ab eis honorandis eum prohibuisse Christianos.* Eodem sensu est intelligendus canon Concilij Eliberitani eodem ferme tempore sancientis, in numerum Martyrum non recipiendum, qui idola confregerit. Sic statuit Ecclesia, vt ex quorundam fidelium indiscreto Zelo persecutio non suscitaretur in cæteros, vt euentus probauit in Perside, vbi cum Audas Episcopus, nulla postulante necessitate, templum incendisset Gentilium, Rex Isdigerdes horrendam mouit persecutionem, vt innuit Theodoritus; aut ne isti pro Christo mortis tolerandæ auidi

In breuiculo collat. cum Donat. in die 3. c. 15.

Lib. 5.
hist. Eccle.
cap. 18.

periculo se exponerent tormentorum acerbitate ignauiter fidei deferendæ, vt accidit Quinto, de quo fit mentio in actis S. Polycarpi, ad quæ nos in margine remittis. Vnde mirum non est, si Ecclesia Smyrnenfis illum apostatam vt Martyrem non agnouerit, qui cum alijs se iudici obtulisset, & *immanes feras, & terribiles præterea cruciatus perspexisset, molli, & fracto animo attonitus obstupuit, & salute prodita manus præ ignauia dedit.*

Epist. 61.
166.

At numquam Ecclesia absolutè negauit esse Martyres illos fideles, qui se morti obtulerunt licet nō conquisiti; ad Martyrium enim, vt docet S. Augustinus sufficit pœna mortis cum causa fidei, quando igitur hæc duo combinantur, verum reperitur martyrium: Immo non solum in Martyrologio recenset Ecclesia plures huiusmodi martyres insigni martyrum titulo, sed etiam honorat festis, vt Apolloniam, quæ vltro se coniecit in ignem impulsæ Spiritu Sancto; Adactum, qui Felici eunti ad martyrium sponte se adiunxit, & ianitorem,

torem , seu custodem lacus XL. Martyrum , qui videns vnum ex illis defecisse , à tyrannis non conquisitus se coniecit in gelidum lacum , & in ipsa Quadragesima cum festa cessant, solemniter cum ceteris celebratur. Porro duo isti Martyres sunt anonymi, & similes nostris baptizatis, quamquam de illis acta expressè loquantur, & in hoc discriminant ab ijs, de quibus loquimur, & idcirco ab Ecclesia non ita honorantur vt illi. Satis igitur liquet legem quam videris impondere de Martyribus vltro se offerentibus non fuisse perpetuam in Ecclesia, quæ semper obseruauit, vt iudicaret illos diuini amoris igne accensos martyrio se obtulisse, quoties non constat sine iusta, ac rationabili causa vltro se tormentis tradidisse.

Nec in hoc quicquam mutare potest Ecclesia, quia essentia rerum sunt immutabiles: quamuis ex legitima causa possit statuere, vt illi qui choro Martyrum candidato in cœlis sunt adscripti, in terris pro talibus solemni

cultu non honorentur. Vnde quamuis probaretur (quod est impossibile) quosdam ex Martyribus, qui è Catacumbis Romanis eruuntur, fuisse idolorum confractores, aut se vltro morti obtulisse, non conquisitos, nihil vetaret, quominus eorum reliquiæ exponerentur fidelium cultui, maximè non stantibus duabus rationibus à me nunc recēditis, nempe periculo persecutionis ex eorū cultu, & periculo desertionis fidei, cum ex eorum morte probetur perseuerantia in fide palma, aut sanguine in vasis contento sigillata.

Cum itaque legimus quosdam ab Ecclesia reprobatos fuisse Martyres, qui se morti tradebant, non intelligere debemus veros Martyres, sed quos supra innuimus falsos Martyres, & hi erant Donatistæ, & Circumcelliones, vt videre est in Concilio Carthaginensi primo sub Grato cum alijs 30. Episcopis statuente ne Martyres agnoscerentur Donatistæ, qui gloria Martyrum illecti, seipsos ex altiorum montium cacuminibus necabant, vel conductis

ductis sui interfectores sibi ipsis in-
ferri procurabant, ut scribit Optatus
Mileuitanus, flammis se donabant,
aquis se prefocabant, ut tradit S. Au-
gustinus male intelligentes illud Chri-
sti: *Qui odit animam suam in hoc mundo,*
in vitam eternam custodit eam. De illis
pseudomartyribus agebat idem S. Au-
gustinus, cum hanc adeo tritam protu-
lit sententiam: *multorum corpora hono-*
rantur in terra, quorum animæ torquen-
tur in gehenna. Nullum autem Dona-
tistarum in Catacumbis Romanis fuisse
humatum esse certissimum euincit Seue-
ranus à Sancto Seuerino, ex Optato,
qui licet paucos eorum Romam adue-
nisse tradat, numquam Ecclesiam ob-
tinuisse, nec memorias Apostolorum
visitasse testatur. Immo eosdem idcir-
co Montanenses appellat, quia ad mon-
tes confugere, & in illis habitare co-
acti sunt nullam cum Catholicis habentes
communione: nullum est igitur
periculum in honorandis reliquijs, quæ
Romæ vindicantur.

Lib. 3. eccl.
tra Parme.

Tract. 51
in Ioan.
sub med.

Ioan. 12.

Lib. 4.
Romæ
subter.
c. 2.

Lib. 2.
contra
Parme-
nium.

*Vbi verò miracula ad cultum illum discernendum? Nulla certè præquiruntur in Sanctis illis incognitis. Nec etiam requiruntur, Eusebi clarissime; scies enim melius me Eulogium Cordubensem Presbyterum, ad Insulas Toletanas destinatum, sed martyrio feliciùs honoratum in suo memoriali Sanctorum in tres libros diuiso, neruosè, ac eruditè hos tres articulos in Hispania à quibusdam vulgatos tractasse, ac refutasse: primò Martyres illos non esse qui gladio non occiduntur. Secundò illos, vt Martyres non esse colendos, qui miracula non patrant. Tertiò quorum corpora incorrupta non remanent. Nec tu ipse illud diffiteris sequentibus verbis: *Vtrumque*, inquis, scilicèt morum probitatem, & signorum virtutem, quæ à Gregorio IX. requiruntur in Sanctis Confessoribus, *supplere potest martyrium si passio Martyrũ sit comperta, & approbata causa.* Præclara sanè confessio, quæ omni præualeret auctoritate, nisi subiungeres:*

res:

res: *Hæc defunt Sanctis illis incognitis*.
 Mihi verò sufficit, vt Prælati à Papa
 deputati sit comperta Martyrum pas-
 sio, & approbata causa, sicque semper
 abstinebo à similibus sententijs profe-
 rendis: *hæc defunt Sanctis illis incognitis*.

Et quoniam simulas te nescire, qua
 certitudine sit comperta Sanctorum
 ignotorum passio, & approbata causa,
 audi, rogo, me tamquam discipulum
 magister explicantem istud, quod tu
 ipse nosti, scilicet, quod eadem cer-
 titudine, qua scimus Eucharistiam,
 quam quotidie adoramus esse adoran-
 dam, certa sit Sanctorum, de quibus
 agitur, passio, & approbata causa, nem-
 pe certitudine morali. Quamquam enim
 de fide sit Sacram Eucharistiam esse
 adorandam cultu latriæ absoluto, fides
 tamen non docet, quod hæc hostia in
 indiuiduo sit adoranda; quia potest
 non esse consecrata, vel ex defectu cha-
 racteris Sacerdotalis in illo; qui illam
 consecrare visus est, vel ex defectu in-
 tentionis ad consecrationem requisitæ
 vel ex defectu substantiali materiæ,
 aut

aut formæ . Attamen quoties videmus hostiam adorationi expositam, quæ consecrata putatur ab eo , qui Sacerdos habetur , & se vt talis gerit in Sacris peragendis , grauiter offendimus illi denegantes adorationem , nisi ex speciali reuelatione eam non esse in corpus , & sanguinem Christi transubstantiatam dignoscamus , sicut S. Eleazaro Comiti reuelatum quondam fuisse fertur : Sic pariter licet ex fide teneamus sacras reliquias esse honorandas , tamen fide non docemur has , & illas in particulari esse sacras Sanctorum exuias ; possunt enim multi superuenire suppositionis casus , nisi ex speciali reuelatione circa quasdam huiusmodi prouideatur casibus ; sic quando auctoritate Apostolica nobis exhibentur reliquie honorandæ , cum simus certi certitudine morali illas esse veras Sanctorum reliquias , absque peccato non possumus cultum , quem Ecclesia præscribit illis esse debitum , denegare . Verum enim verò etiam te auctore pro comperto habemus in sacris Romæ ca-

tacu-

tacumbis nullos fuisse tumulatos gen-
 tiles, & liquet nullos etiam in illis fuiſ-
 ſe depositos hæreticos, nullos Schisma-
 ticos, & inſuper conſtat in illis penè
 innumeros eſſe ſepultos Martyres, &
 à SS.PP.& comprobata experientia ſci-
 mus palmas, & vaſa cruentata eſſe
 notas martyrij ſpecificas, quando igitur
 Antiftites à Summo Pontifice depu-
 tati illa ſigna in ſarcophagis catacum-
 barum detegunt, omni morali certitu-
 dine certificamur poſſe à nobis impen-
 di cultum, quem definit Eccleſia. Nul-
 li autem Sanctorum, qui Roma adue-
 huntur cum authenticis Cardinalis Vi-
 carij, aut Præfecti Sacrarij Apoſtolici
 deſunt hæc certitudinis indicia. Ex his
 infero: ſicut contra religionem non pec-
 catur, immo fit religioni obſequium,
 quando adoratur hoſtia, quæ certitudi-
 ne morali exiſtimatur conſecrata, licet
 talis non ſit, nec etiam contra religio-
 nem peccatur, quando redditur cultus
 reliquijs, quæ quantum humanitus ſciri
 poteſt, eſſe cenſentur Martyrum, licet
 tales non ſint, immo actus religionis
 elicitur.

Fx

X I I.

Ex dubio de passione Martyrum aliam excitas questionem, qua videri potes percipere aliud non minus auctoritati Apostolicæ, & quotidiano Ecclesiæ vñui contrarium. Vt enim corrigeres eos, qui in honorem Sanctorum incognitorum missas, diuina officia persoluunt, panegyricis declamationibus pulpita replent, ac Eucharistiæ Sacramentum exponunt, in dubium vocas, an expediat nunc pro fidelium deuotione, illud in nos diuini amoris pignus ostendere: *Certè olim, inquis in fine num. 8. Eucharistia post consecrationem palla tegebatur, immo etiam ante consecrationem, ut patet ex Gregorio Episcopo Turonensi, idque in usu erat vsque ad duodecimum seculum quo ineunte Guibertus Abbas testis est statim post eleuationem demitti sacramentũ à sacerdote solitũ, & operiri sindone, quod modo corporale vocamus, vti hodie quoque ferè in usu est apud Carthusianos, nempe ut hoc ritu testaretur Sacerdos se*

con-

L. 7: c. 22

De pign:
SS; lib. 1;
c. 2,

conspēctū tantī Sacramenti omnino indignum esse. Vndē reiectum traditur à Nicetio Lugdunensi quoddam coopertorium sarmaticum, quia rarum erat, ac tenue, quia non exindē plenē tegebatur mysterium corporis sanguinisque Dominici. Quā longē tunc aberant à nostris moribus, qui quibusvis oculis passim diuinum illud Sacramentum exponimus. Verū quod nunc abscondi suadebat religiosa pietas, hoc nunc exponi pia fidelium deuotio fortē exigit. Quid sibi volunt, Eusebi Romane, Tā olim, & fortē? An velles renouari, quæ olim obseruabantur, & in dubium vocare, quæ nunc probantur? Si primum postulabis; certē olim inualuit vsus, vt Sacrosancta Eucharistia in manus etiam laicorum daretur, quibus liberum erat eam ad proprias ædes deferre, vt fidem facit S. Cyprianus. Non solū tempore persecutionis id seruatum est, sed etiam cum Ecclesia pace frueretur tranquillissima, vt testis est S. Basilus. Olim non licebat corpus Dominicum vasculo quantumuis pretioso excipere, sed solis manibus in crucis formam de-

Gregor;
Turon;
de vita
Patrum;
c. 8;

Serm; de
lapsis;

Ep; ad
Cæsariam
patriciā;

Catech;
myſtag;5;

Can;36;

Can; 12.

decuſſatis ; vt ſcribit S.Cyrillus Ieroſo-
lymitanus; viris quidem nudis manibus
antea mundatis; mulieribus verò in
linteo mundo, quod Dominicale vo-
cabatur, vt præcipiebat Concilium An-
tiſſidiorenſe. Olim Infantibus etiam
lactantibus ſanguis Chriſti ſugendus
præbebatur, vt tradunt omnes histori-
ci Eccleſiaſtici. Olim denique diuerſis
in regionibus Euchariftia, vel mortui
donabantur, vt poſteà prohibuit citatum
Conc. Antiffidiorenſe. Hæc tamen om-
nia exoleuerunt. Si igitur Sancta Ma-
ter Eccleſia hos omnes uſus abrogan-
dos eſſe ſapienter iudicauerit; pruden-
tiſſimè etiam Græcis, ac ſolis Carthu-
ſianis inter occidentales hoſtiam poſt
conſecrationem palla tegendam reli-
quit, medium ponens ab Urbani IV.
Pontificatu inter primorum Eccleſiæ
ſæculorum nimiam in corpus Chriſti Sa-
cratiſſimum familiaritatem, & ſubſe-
quentium temporum nimis ſeueram ab
eo remotionem, quod in eo ſitum eſt, vt
non ſolùm poſt conſecrationē pio viſui
Sacerdotis aperta remaneat hoſtia, ſed
etiam

etiã cæteris Christi Fidelibus quandoque in ostensorio reposita exponatur adoranda. Quod vt fiat maiori cum animarum lucro Pontifex Maximus solet largissimas concedere indulgentias quibuscumque augustissimum illud mysterium adorantibus. Et reuera multum ædificationis inde prouenire quotidiana docet experientia in hac alma Ciuitate totius Orbis metropoli, vbi per XL. horarum spatium sine intermissione colitur à maximo Romæ incolarum omnis conditionis, & sexus, ac peregrinorum concursu. Hac expositione fidem augeri, spem erigi, charitatem perfici, ac nobilem de hæreticis illud adorabile Sacramentum negantibus reportari triumphum, ita nunc apud omnes constat, vt consultius visum fuisset, si hæc verba dubium de tam laudabili Ecclesiæ praxi mouentia omissa fuissent: *Quam longè tunc aberant à nostris moribus, qui quibusuis oculis passim illud diuinum Sacramentum exponimus. Verùm, quod tunc abscondi suadebat religiosa pietas, hoc nunc exponi pia fidelium deuotio*

tio fortè exigit: prohibet enim S. Augustinus de rebus iam vniuersali Ecclesiæ vfu probatis dubitantem locutionem his verbis: Insolentissima insanis est disputare, an sit faciendum, quod tota Ecclesia facit. Verum enim verò Christiana religio nec Pyrrhonorum, nec Academicorum est secta, quæ aut de omnibus vel certissimis dubitabat, aut inquirebat, quin vniquam ad certitudinis scopum pertingeret.

X I I I.

At miracula eiusmodi Sanctorum quantæ! quot, & quanta ad eorum loculos appensa anathemata in signum miraculorum! inquis num. 8. Tecum fatemur, Eusebi multa supponi miracula à plebe ineredita, sed non ex illius culpa sanctitatem Martyrum infirmandam esse credimus. Certè vigilantissimus Dominus Cardinalis Vicarius, ac Sacra Rituum Congregatio in miraculis asserendis intenta similia appensa anathemate deponi iubent, ac imagines Sanctorum se poni, quo-

quoties plebs rudis fingit miracula tur-
pis lucri, aut nimiae simplicitatis gratia
Quamquam si necessitas postularer ,
longam seriem miraculorum ab Epif-
copis probatorum inferere possemus .

*Verum fac ista miracula vera, & cer-
ta esse . Sanè hac præcessisse debuerant, quo
Sancti illis pro veris ac certis haberentur ,
& colerentur .* Tibi subscriberem , Eu-
sebi, si quando Prælati illos vindicarunt,
passi fuissent dubium de illorum Sancti-
tate . In casu dubio dubitationem tol-
lere debet miraculum, vt euenit in in-
uentione Sanctæ Crucis , quæ vt discer-
neretur ab alijs duabus latronum , Ma-
carius Ierosolymorum Episcopus factis
Deo precibus , singulas cruces cuidam
feminæ graui morbo laboranti admouit,
cui cum reliquæ nihil profuissent, adhi-
bita tertia crux statim eam sanauit. Sed
moraliter sunt certi prudentissimi illi
vindicators per palmam , aut vas cru-
entatum , aut instrumentum Martyrij
coniunctum cum diuisione non naturali
in corpore . Pergis, *Nec subsequencia mi-
racula factum præcedens comprobant, si*

hec propositio vniuersaliter sumatur, mihi videtur falsa : nam miracula post mortem patrata sanctitatē vitæ præcedentis comprobant efficacissimè; sed de his conuenientiùs differam, cum ad textum Guiberti Abbatis super hoc explicandum peruenerim.

Veniamus ad sententiam Amulonis Archiepiscopi Rhemenfis, quem Theodboldus Lingonensis Episcopus per Ingelramnum Chorepiscopum suum consuluit, quid factū esset opus de quibusdam reliquijs nuper ex Italia allatis, quia præstigiæ patrabantur in quasdam mulierculas, quæ voti causa in Diuionensem S. Benigni Ecclesiam, vbi erant depositæ illæ reliquiæ, conueniebant. Censuit ille metropolitanus illas reliquias esse è Sacris adytis remouendas, & extra Ecclesiā reponendas in loco mundo, & secreto, & conuenticula muliercularum istuc interdicenda. Hoc factum, Eusebi eruditissime, si diligenter discutiatur, nihil contra veritatem reliquiarum Roma aduectarum euincit. Vt enim incertas, & suspectas

Di-

Diuionum reliquias probares de duobus constare deberet: nimirum aut illas fuisse Roma asportatas ex dono aliorum, quam Summi Pontificis, vel ab eo deputatorum, aut illas præstigiarum fuisse principium, & non obiectum. Si enim præstigiarum fuerint duntaxat obiectum, non ideo erant dicendæ incertæ & suspectæ; quia etiam superbi virtutibus abutuntur tamquam obiecto, vt superbiæ typho intumescant: magi scriptura sacra, ac Diuina Eucharistia abutuntur, vt sua maleficia, & incantationes operentur. Quis autem dixerit virtutes, Sacram Scripturam, & Diuinam Eucharistiam propterea esse reiiciendas? Amulone igitur decernente conuenticula muliercularum in Ecclesia m S. Benigni esse interdicenda, illasque reliquias esse in loco secreto, sed mundo reponendas, signum est præstigias principium dixisse, non à reliquijs, sed à mulierculis; alias enim hac moderatione vsus non fuisset, illas iubendo in loco mundo reponi: sicque laudandus est Amulo, qui hac ratione peccati oc-

casiones amouit ab illis mulierculis , in hoc secutus vestigia Patrum Concilij Toletani primi, & Cæsaraugustani, qui scientes Priscillianistas horrendo, sacrilegio abuti Eucharistia ad magicas prestigias non amplius permiserunt, vt eam ad proprios lares deferrent, vt antea in Hispania licebat, & postea etiam licuit in regionibus, vbi non erant Priscillianistæ; sed iusserunt per communionem ab omnibus in ipsa Ecclesia absumi.

X I V.

Post Amulonis exemplum proferens S. Gregorium magnū, qui ab Augustino percontatus, vt sibi veras S. Sixti Martyris reliquias demandaret, ad corrigendam vulgi superstitionem in quadam Anglorum Ecclesia colentis reliquias, quæ S. Sixti Martyris esse credebantur, licet Augustinus eas pro incertis ac suspectis haberet, petitioni eius annuit his rescribens verbis : *Fecimus quod petistis, quatenus populus, qui in loco quodam S. Sixti Martyris corpus dicitur venerari (quod tuę sanctitati nec verum, nec veraciter certum videtur) certa Sanctissimi-*

etiffimi, & probatiffimi Martyris beneficia fufcipiens, colere in certa non debeat. Mibi tamen videtur quod fi corpus, quod à populo cuiusdam Martyris effe creditur, nullis miraculis corufcat, & neque aliqui de antiquioribus exiftant, qui fe à parentibus paffionis eius ordinem audiffè fateantur; ità reliquia, quas petifti, feorfim condende funt; ut locus in quo præfatum corpus iacet, modis omnibus obftruatur, nec permittatur populus certum deferere, & incertum venerari. Sed nihil probat hæc hiftoria contra reliquias, quæ à Prælatiſ Romanis authenticè confirmatæ venerationi fidelium permittuntur. Nullum fanè dubium paſſus fuiſſet S. Auguſtinus; nec miracula, nec testimonium poſtulaffet antiquiorum S. Gregorius; nec Romam priuaffet corpore S. Sixti Papæ, & Martyris, fi corpus Sixti, qui à plebe Martyr credebatur, Roma fuiſſet aduectum cum authenticis. Hæ per fe ſolas veritatem probaſſent reliquiarum: S. Gregorius enim in ea erat animi firmitate, ut id quod à liminibus Apoſtolorum de more transmittitur,

pro Martyrum reliquijs coli debeat, id,
que miraculis sæpe Deus confirmavit,
vt refert Ioannes Diaconus in eius vita.

Lib. I. c.
42.

*Cum petentibus quibusdam Occidentalibus, per legatos in singulis pixidibus, sub nominibus petitorum Martyrum, brandeum solito more concludens, desuper sigillaret, legatis largitus est. Illi susceptas reliquias veneratione congrua deferentes postquam quedam itineris milliaria consumpserunt, stultè murmurare cæperunt, si nesciant, utrum Sanctorum ossa, an magis carnes, à Summo Pontifice suscepissent: itaque communi consilio, Pontificali signaculo, resecratisque pixidibus particulas brandei repperunt. Mox ad urbis mœnia furor nimio reuertentes per Archidiaconem à Gregorio se delusos fuisse, vt pro reliquijs vilem pannum susciperent, flebiliter querebantur dicentes Dominos suos pulcherri-
mis pallijs abundare, ac per hoc Romanorum vilibus brandeis non indigere. Fortè tunc Gregorius Missarum solemnia celebra-
bat. Quibus expletis ab eisdem legatis brandeum coram cunctis recipiens, super altare composuit, seque cum omnibus in ora-
tione*

sione dedit, ut Deus omnipotens, utrum quod à liminibus Apostolorum de more transmissum est, pro reliquijs Martyrum venerari deberet, quantocyus indicaret. Deinde ab oratione surgens incredulos legatos propiùs adflare fecit, culicellum petijt, more Sanctissimi Papæ Leonis brandeum pupugit, de cuius punctiõibus sanguis protinus emanauit. Quò miraculo tam legati confusi, quam omnes, qui aderant tremefacti, iussu Gregorij cum eo terre prostrati sunt. Nec ab oratione cessauerunt, quam cuncta brandeorum foramina diuinitùs clauderentur. Immo docet Idem S. Pontifex eundem cultum ipsis brandeis deberi, qui veris SS. corporibus reddendus est, ac per hæc easdem fieri virtutes, perindè, ac si corpora veraciter adescent. Illud insinuat Constantiæ Imperatrici, quæ ab ipso petierat corpus S. Pauli, aut aliquam eius partem insignem, illius in Ecclesia, quam in Palatio Constantinopolitano sub eiusdem Apostoli intercessione construebat, recondendi gratia. Narratis miraculis quæ patrata fuerant, in eos,

Lib. 7.
Ep. 10.

qui corpora SS. Apostolorum Petri, & Pauli, & S. Laurentij Martyris, ea vel meliorandi causa attigerant, sic ait: *Cognoscat autem tranquillissima Domina, quia Romanis consuetudo non est, quando sacras reliquias dant, ut quicquam tangere presument de corpore, sed tantummodo in pixide brandeum mittitur atque ad sacratissima Sanctorum corpora ponitur, quod leuatum in Ecclesia, quæ est dedicanda, debita cum veneratione reconditur. Et tantæ per hoc virtutes fiunt, ac si illic specialiter eorum corpora deferrentur, unde contigit, ut Beatæ recordationis Papæ Leonis tempore, sicut à maioribus traditum est, dum quidam Græci de talibus reliquijs dubitarent, prædictus Pontifex hoc ipsum brandeum allatis forficibus incidit, & ex ipsa incisione sanguis effluit. Ipsi tandem Constantiæ de limatura catenarum Sancti Pauli mittere dignatus est Sanctus Gregorius, ut deuotioni eius satisfaciens, omnem viam occluderet, ne partibus Ioannis ieiunatoris Patriarchæ Constantinopolitani, Episcopi vniuersalis titulum ambientis faueret.*

Quod

Quod narrat Sigebertus de S. Leone à S. Gregorio iam laudato mirabilius est. Ipse enim ne brandeum quidem reliquijs, quæ ab ipso petebantur, admovebat, *sed quoties rogabatur ab aliquibus, ut eis aliquorum Apostolorum, vel Martyrum reliquias daret, consuevit ad corpora, vel memorias Apostolorum, vel Martyrum, quorum reliquia petebantur missas celebrare in ipsorum honorem: & sic brandeum altaris, quo consecratum corpus Domini inuoluerat, particulatim diuidebat, cultello pannos illos pungens, sanguinem eliciebat, sic palam cunctis faciens, quod in consecratione mysteriorum Christi, sanguis Apostolorum, vel Martyrum, qui pro illo effusus est, intret per diuinam virtutem in pannos illos, & idè meritò illos dari pro reliquijs Martyrum, in quorum honore consecrati sunt.*

In Chronico ad an. 441.

S. Hormisdas quæ à Sanctis Leone, & Gregorio magnis brandea dicta sunt, sanctuaria vocabat. Iustiniano enim Imperatori per Germanum Capuë Episcopum, aliosque apud se legatos, decatenis Sanctorum Apostolorum Petri,

& Pauli, & de craticula S. Laurentij martyris, ac Sanctuaria Beatorum Apostolorum, secundum morem, enixè petenti, nulla facta mentione de catenis, nec de craticula his respondet lineis: *Beatissimorum Apostolorum Petri, & Pauli sanctuaria, sicut religiosissimo quæsistis affectu, per harum portitorem sub omni veneratione transmissimus; optantes orationibus eorum, ut mentis vestrae oblatio, ac desideria gratia sint diuinitatis accepta...* data iv. Nonas Septembris Eutharico viro clarissimo Consule, idest, anno 519.

Ex illis exemplis non solum colligitur morem non fuisse primis sæculis corpora Sanctorum postulantibus concedendi, sed & quanta animi submissione pro reliquijs recipi debeat, quicquid pro illis concedunt Summi Pontifices, quorum adeo manifestis miraculis approbavit iudicium Deus omnipotens, ut in brandeis, seu velis pannorum, ad reliquias Sanctorum admotis, vel tantum super altare eorum in missarum celebratione positis inuisibiliter sanguis inspiraretur, ut nullus ea incerta,

tas, & suspectas assereret reliquias. Quantò magis igitur debemus credere illa ossa, quæ iam Romæ dispensantur, esse Sanctorum reliquias, quæ longè certioribus indicijs, & argumentis muniuntur, quàm brandea ab illis Sanctissimis Pontificibus pro reliquijs data. Infertur deinde ad vindicationem reliquiarum aliqua requiri miracula, aut testimonium aliquorum ex antiquioribus, qui à parentibus audierint passionis ordinem, quando desunt hæc certitudinis indicia, quibus vindicantur reliquiae Romanæ, quæ cum non reperirentur in incerto martyre Sixto, sapientissimè iudicauit S. Gregorius, ut loco, in quo præfatum corpus iacebat, modis omnibus obstructo, seorsim verè S. Sixti reliquiae, quas miserat, conderentur. Diuino iudicio tribuendum est, quod, ne conualesceret superstitio, hæc corporis S. Sixti substitutio facta fuerit. Quis scit enim, an ille, qui ab Anglis colebatur, non fuerit latro, sicut ille, cuius aram destruxit S. Martinus, vel ebrius in seditione occisus, sicut ille,

cuius

cuius venerationi restitit Alexander III. vel hæreticus & hypocrita, vt Hermanus, cuius ossa comburi iussit Bonifacius VIII. solus Deus horum est iudex. Ad nos enim non pertinet de his, quæ nos superant, iudicare. Ex illo saltem Neophytorum Angliæ errore nequicquam contra reliquias probari posse perspicuum est, quia, vt dicit S. Hieronymus: *Paucorum culpa religioni non præiudicat.*

L. contra
Vigilât.

X V.

Num. 8. tandem claudis, sed inefficaci argumento sequentibus verbis comprehenso: *Neque verò sola miracula, etiam vera, sufficiunt ad probandam alicuius sanctitatem, nisi aliunde sanctitas comperta sit, aut ex insigni vite integritate, aut ex certo & approbato martyrio. Fieri enim possunt vera miracula ad falsas reliquias, ob fidem, ac pietatem eorum, qui eas veras esse credant. Inefficax illud argumentum esse dico, quia quamuis à quibusdam malis adhuc viuentibus miracula fieri aliquando concesserit*

rit ad confirmandam veram doctrinam, fidemque propagandam, vt de Iuda proditore fertur, & vt de multis reprobis prædixit Christus, qui in die iudicii dicturi sunt. *Domine nonne in nomine tuo prophetauimus, & in nomine tuo demonia eiecimus, & in nomine tuo virtutes multas fecimus?* quibus responsurus est Christus iustissimus iudex: *Numquam noui vos: discedite à me qui operamini iniquitatem.* Nullas nihilominus gratias gratis datas vnquam præbuit, nec virtutes fieri permisit ad intercessionem illorum mortuorum, qui sancti non sunt. Ratio huius differentiae est, quod potestas miraculorum, aliaque gratiae gratis datae ad salutem aliorum, potius quam ad propriam concessæ malis, dum sunt in via, à Deo interdum permittantur, vt fidem dilatent ac confirment; sed cum mali, dum sunt in termino salutis aliorum cooperari non possint, nisi indirectè nunciando viuis damnationem suam, vt illas euitent, ad penarum propriarum diminutionem, quemadmodum de Epulone id postulante

Matth. 7.

lante legitur Lucæ 16. non deceret Deum ad illorum intercessionem permittere miracula; sic enim ostenderet illos mortuos sibi esse gratos, & dignos, qui miracula obtinerent. Quod admitti nequit sine hoc absurdo, nempe, quod Deus suffragaretur falso cultui.

Hac ratione moti Eminentissimi Sacrorum Rituum Patres, ad quos spectat canonizationum examinare motiva, pro indubitatis veræ sanctitatis indicijs habent miracula post mortem patrata, quod non affirmant de miraculis in vita patratis. Illi etiam regulæ se confirmant Summi Pontifices. Falsum est igitur posse fieri miracula ad falsas reliquias, ob fidem, & pietatem eorum, qui eas esse veras existimant.

Hanc quidem sibi proposuit questionem Guibertus Abbas, sed non in eodem loco, quem citas, Eusebi clarissime, alium enim sensum habent eius verba, ab eo, quem illis præbes, ut facile iudicabunt Theophili. Proposita igitur hac quæstione: *Utrum Deus simplices quosque exaudiat, cum per eos inuocatur,*

l. i. de
pignorib.
ss. in fi
ne.

catur, quos esse sanctos non constat? sic loquitur Guibertus: Cui respondendum est, quia sicut Deum, qui eum, de quo est incertus exposcit, irritat, ita eum, si fideliter sanctum illum credens, qui non est sanctus, exoret, placat. Verbi gratia, ponamus aliquem, qui eleemosynam putet esse peccatum. Si ergo scienter eleemosynam faciat, reuera profectò ex conscientia intuitu peccat, cum tamen aliorum verè bonum sit, quod faciat. Ita planè si sanctum quis æstimet, quem quidem sanctum dici audiat, sanctum verò esse non constet, si eum præcordialiter, & secundum fidem interpellat apud Deum, qui causa & fructus est orationis, intentio deprecantis tota desigitur, quocumque modo animus per simplicitatem super suo intercessore errare videatur, & quod sub spe boni honoratur, numquam à boni remuneratione cassatur. Hæc enim verba nullo modo de miraculis mentionem faciunt, quasi verò censuerit miracula fieri ob simplicitatem fidelium, quæ quodam modo suppleat sanctitatem eorum, quos sanctos bona fide esse credunt, licet sancti non sint.

sint . Sed docent solùm, simplices illos inuocantes , quos credunt esse sanctos , non frustrari merito radicali , & intrinseco orationis, sicut qui putans ex conscientia erronea dare eleemosynam esse peccatum , reuera peccat eam erogans ex tali conscientia intuitu , cum tamen aliorum verè bonum sit, quod facit . Hanc interpretationem confirmant sequentia Abbatis verba : *Si enim recipias Prophetam in nomine Propheta, id est, qui solum sine re aut iusti, aut Propheta, nomen exhibeat, tu Propheta, aut iusti meritum primumque sortiris, quo ille iustus ac propheta fraudatur, qui solum viriuslibet nomen, habitumque prætendit . Si quidem benefaciens in nomine Prophetae, aut iusti, illi, qui præter habitum & nomen, nihil iusti, aut Prophetae habet, dumtaxat eleemosynæ meritum consequitur, nec miraculum ab illo ficto iusto, aut Propheta expectare potest. Nunquam certè Sarephthana filium suum è mortuis ad vitam reuocatum, merita fuisset, Eliam hospitem admit- tens, nisi Elias Propheta Sanctus fuisset,*

Ibid.

3. Reg. 17.

set, nec Elifæus Sunamitidis hospita
 suæ puerum pariter suscitasset, si nomini
 Prophetæ meritum, & sanctitate non
 sociasset.

Non inficior tamen prædictum Ab-
 batem alibi docere fieri posse miracula
 propter fidem credentium, & non ob
 meritum eius, per quem prærogatur.
 Sed tantæ auctoritatis non est Guiber-
 tus, ut illius verba tanquam oracula
 veneremur. Si Euangelio credere non
 debemus, nisi in quantum ad id nos
 commouet Ecclesiæ auctoritas, secun-
 dum S. Augustinum, à fortiori priuati
 auctoris sententiam reijcere nostrum
 est, cum auctoritati Ecclesiæ opponitur.
 At cum caput Ecclesiæ in sanctis asse-
 rendis pro certissimo sanctitatis argu-
 mento agnoscat miracula ad interces-
 sionem mortui obtenta, non est mirum,
 si à Guiberti sententia recedamus, post
 Diuum Thomam, de quo in bulla
 suæ canonizationis pronunciauit Ioan-
 nes XXII. quod tot miracula fecerit,
 quot scripsit articulos, & ideo eius do-
 ctrina à pluribus Summis Pontificibus

G

ita

Lib. 3. de
 pignorib.
 versus fi-
 nem.

2. 2. qu.
178. ar. 2.
in corp.

ita commendata fuit, vt inoffenso pede
in scholis traderetur. Ad Theophilo-
rum informationem non me pigebit
purum referre textum. Operatur Deus
*miracula ad hominum utilitatem duplici-
ter: uno quidem modo ad veritatis pradi-
cata confirmationem: alio modo ad demon-
strationem sanctitatis alicuius, quam vult
Deus hominibus proponere in exemplum
virtutis. Primo autem modo miracula
possunt fieri per quemcumque, qui veram
fidem pradicat, & nomen Christi inuocat,
quod etiam per malos fit. Et secundum
hunc modum etiam mali possunt miracula
facere. Vnde super illud Matth. 7. nonne
in nomine tuo prophetauimus &c. dicit Hie-
ronymus, prophetare, vel virtutes facere,
& daemonia eycere, interdum non est eius
meriti, qui operatur, sed inuocatio nominis
Christi hoc agit, vt homines Deum hono-
rent, ad cuius inuocationem fiunt tanta
miracula. Secundo autem modo non fiunt
miracula nisi à Sanctis, ad quorum san-
ctitatem denunciandam miracula fiunt,
vel in vita eorum, vel etiam post mortem,
sive per eos, sive per alios: legitur act. 9.
quod*

quod Deus faciebat virtutes per manus Pauli, & etiam desuper languidos deferebantur à corpore eius sudaria, & recedebant ab eis languores. Et sic etiam nihil prohiberet per aliquem peccatorem miracula fieri ad invocationem alicuius Sancti, quæ tamen miracula, non dicitur facere ille, sed ille ad cuius sanctitatem denunciandam hac fierent.

V. ad testium.

X V I.

Examinemus nunc an Prudentius tibi magis faueat. Ex illo concludis plerasque reliquias è catacumbis erutas carere indicijs ad sanctitatem martyrij sufficientibus. Audiat illum Poetam, insignem quicumque omni præiudicio liber est Theophilus.

*Innumeros cineres Sanctorum Romula
in Vrbe*

Hymno
11. de S.
Hyppoli.
to.

*Vidimus, ò Christo Valeriane Sacer,
Incisos tumulis titulos. Tu singula quæris
Nomina? Difficile est ut replicare
queam.*

G 2

Tan-

*Tantos iustorum populos furor impius
hausit,*

*Cum coleret patrios Troia Roma Deos.
Plurima litterulis signata sepulcra lo-
quuntur*

*Martyris aut nomen, aut epigramma
aliquod.*

*Sunt & muta tamen tacitas claudentia
tumbas*

*Marmora, quæ solum significant nu-
merum.*

*Quanta virum iaceant congestis corpo-
ra aceruis,*

*Nesse licet, quorum nomina nulla le-
ges.*

*Sexaginta illic defossas mole sub vna
Reliquias memini me didicisse homi-
num,*

*Quorum solus habet comperta vocabula
Christus.*

Et mihi subscribet ibi sola tradi indi-
cia, quæ Prudentius videre potuit, ut
potè externa omnium oculis obuiâ, su-
per tumbas apparentia, non verò de
illis, quæ in sarcophagis videre est, ut
de

de palmis ex parte lapidis saltem corpori vicina insculptis, & de sanguine, quæ certissimè sunt signa martyrij evidētia ipso epigrammate, aut numero multitudinem corporum sub illo contentorum indicante. Nullum est signorum à Prudentio recensitorum, quod, si martyris titulum excipias, multis dubijs obnoxium non sit sine palma aut sanguine, diligentissimè tum in tumulis cum inscriptione, cum sine illa, à Prælati ad id deputatis, inquiri solitis, & sine quibus ne vnum quidem corpus, vt martyris asseritur, si saltem titulum martyris non habeat inscriptum.

Præterea, notandum est à plurimis quædam reperta fuisse corpora, quorum caput ad pedes collocatum erat. Quod est signum evidens sic caput ad pedes præter ordinem positum fuisse, quia antequam in sarcophago reconderetur, fuerat amputatum, & in signum martyrij sic collocatum fuisse. Probabile enim non est fideles sic diuississe spontè corpora eorum, qui morte ordinaria obijssent. Adde etiam ad latera reperi

Roma.
subter. l.
s. c. 20; &
l. 3. c. 23.

riri interdum cultros aut ascias cum foraminibus, aut cum diuisione ossium non naturali, quæ signa à Prudentio non recensita sufficiunt iuxta Bosium, ad asserendam illis corporibus catacubarum venerationem, & quibus, ausim dicere, non insigniuntur quamplurimæ in Benedictinorum Cœnobijs reliquiæ. Sed de hoc satis tecum differuit ille, qui Gallicè tibi respondens argumenta in te retorfit.

XVII.

Florebat
an. 734.

Nunc te parum Romanum noui, cum ab octingentis annis Romana cœmeteria corporibus Sanctorum indubitatorum vacua fuisse conijcis ex nescio qua Gregorij III. ad Otgarium Moguntinum epistola, in qua supponitur ille Summus Pontifex asserere cuncta Sanctorum corpora à prædecessoribus suis communiter delata fuisse, & in Ecclesijs nouiter dedicatis fuisse condita. Nam hæc epistola suppositionis multa præ se fert indicia, cum præterquam-

quod

quod non reperitur apud collectores epistolarum Pontificiarum, nec in Vaticana bibliotheca omnibus diligentijs adhibitis eam adinuenire potuerimus, ac probatissimis subsequantium Pontificum factis sit contraria.

Si ante Gregorij III. tempora cuncta Sanctorum corpora à prædecessoribus fuissent delata, ut fert epistolæ textus, quomodo potuisset Paulus I. concessa Ecclesiæ pace ad cœmeteria, quæ sub Aistulpho obsessa vrbe, maximum detrimentum à Longobardis acceperant, inuisenda intentus, ne rursus Sanctorum corpora hostili manu iniuriam aliquando pati possent, consilium inire, ut quæcumque illic obuia essent Sanctorum veneranda corpora, è sepulcris eruta, in Urbem transferrentur? Illud tamen impleuit pietatis opus, teste Anastasio Biblioth. sic loquente: *Hic Be-* in Paulo I.
tissimus Pontifex cum omnibus spiritalibus suis studijs, magnam sollicitudinis curam erga Sanctorum cœmeteria indefinenter gerebat, unde cernens plurima eorundem Sanctorum cœmeteriorum loca negle-

Et, ac desidia & antiquitate maxima demolita, & alia iam ruina proxima, protinus eadem Sanctorum corpora de ipsis dirutis abstulit ceteris. Quæ cum hymnis, & canticis spiritualibus intra hanc civitatem Romanam introducens, alia eorum per titulos, atque Diaconias, seu Monasteria, & reliquas Ecclesias condecens, studuit recondi cum honore. Eiusdem rei fidem facit eiusdem Pauli Papæ Primi ad Icontium Abbatem SS. Stephani martyris, atque Silvestri Confessoris epistola.

Baronius
tom. 9. ad
ad ann.
761.

Supponamus deinde citatam à te epistolam esse Gregorij III. Quid inde? Nisi quod ideo Gregorius sanctum corpus ab Otgario petatum inuenire nequiverit, quia catacumbæ Gothis urbem devastantibus sub Alarico, aut Longobardis religione Ethnicis, & Arianis Italiam populantibus sub Alboino, à fidelibus Romanis ita terra oppleta fuerit, ut barbaris non innotescerent, sicque ab eis contaminari non possent.

Nec dicas, Eusebi eruditissime, hæc gratis dici. Quia quæ etiam hodie re-

pe-

periuntur cœmeteria , dignoscuntur ex
 hiatus terræ , quæ ad centrum per-
 gens, & spatia, quæ penitus non imple-
 bantur , occupans , temporum diutur-
 nitate ita aperta est, vt cellulas demon-
 stret . Vnde fit vt ab excuatoribus so-
 leat vltcrius penetrari reperto vno cor-
 pore, & visis quibusdam rimulis ab vno
 tumulo ad alium . Sic à Paulo Papa I.
 recognita fuisse quædam cœmeteria, ex
 quibus sustulit sacras Martyrum reli-
 quias , quas in Urbis Ecclesias transfer-
 ri curauit, credibile est: nisi dicatur,
 quod Longobardi cœmeteria iam in-
 gressi , sperantes fore vt in illis thesau-
 ros essent reperturi , penetrarint loca
 magis vicina, vbi repertis Sanctorum
 corporibus , iniuriosa quæquæ commi-
 serunt, & postea Paulus I. à Longobar-
 dis aperto aditu effossionem profequi
 iusserit, vbi videbatur aliquod inter-
 uallum patens .

Si hæc non arriserint , addo verba
 Gregorij Tertij honestæ recusationis
 speciem referre : quia si reuera oratori
 postulatum concedere voluisset, et in

cœ-

cœmeterijs sibi notis conseruabantur reliquiæ, quas mittere potuisset, si prædecessorum suorum reliquias petentibus recusare solitorum non secutus fuisset exemplum. Poterat ad titulum Pudentis pergere, & ibi vidisset in plano pauimento cisternæ ad instar locum cratere ferreo coopertum, vbi à S. Pudentiana fuere sepulta trium millium corpora Martyrum. Hanc legisset inscriptionem.

Romæ
subter.
Lib. 1.
c. 23

Hoc est Cœmeterium Priscillæ, in quo existunt corpora trium millium Martyrum martyrioper Antoninum Imperatorem affectorum. Quos Sancta Pudentiana fecit in hoc suo venerabili Templo sepeliri, & proprijs manibus cum spongia colligebat sanguinem

*nem supradictorum Marty-
rum, & reposit in puteo, qui
est ad dextram huius Eccle-
siae, in Sacello Sancti Pastro-
ris.*

Poterat legere in parietibus Ecclesie,
quæ vicina erat S. Balbinæ ad Vrsi
pileatum hanc inscriptionem.

✠ ANNO DOMINI MENSE OCTOBRI . . . DEDI-
CATIONE HVIVS ECCLESIE SCOR MARTIR SIMPLICI
FAVSTINI ET BEATRICIS AD CIMETERIVM VRSI PILEA-
TI IVXTA FORMAM CLAVDII AN PŌ TĀ TAVRINAM
QVAM PRIMVS LEO PAPA MAXIMA DEVOTIONE CŪ
INDVLGENTIA ET REMISSIONE III ANNOR. ET
XL. DIERV. FECIT IN QVO CIMETERIO REQ-
ESCUNT QVATVOR MILIA. ET CCL VII COR-
PORASANCTORVM EXCEPTIS PAVVL ET MVLIERIBVS.

Hæc duo cœmeteria sufficiunt ad
probandum Gregorium III. benigna
vsum

usum fuisse recusatione in Otgarium Moguntinum. Coemeterium enim Priscillæ semper fuit Summis Pontificibus cognitum, nec Gregorium III. latere potuit coemeterium Vrsi pileati, quod ex Anastasio celeberrimum euasit sub Leone II. qui cum clauum Ecclesiæ regeret anno salutis 683. *Fecit Ecclesiam in Vrbe Roma iuxta S. Balbinam, ubi corpora SS. Simplicij, Faustini, & Beatricis, & aliorum Martyrum recondidit, & ad nomen S. Pauli Apostoli dedicauit*, ac proinde Gregorius, qui super Cathedram Sancti Petri sedebat 48. annis post Leonem, optimè nosse debebat reliquias Martyrum esse in illa Ecclesia adhuc recenti reconditas, ex quibus poterat, si voluisset ad Otgarium mittere, si sibi placuisset.

Longam insuper Coemeteriorum seriem hic referre possem, à tempore Gregorij Papæ III. repertorum. Sed rem adeo breuitati epistolæ non congruentem à me non postulas. Satis superque testarentur veritatem coemeteriorum adhuc reliquijs Sanctorum refertorum, cata-

catacumbæ à Bosio detectæ in Vijs Appia, & Ardeatina, præsertim illud quod in Ardeatina ita protenditur, vt vniatur cœmeterio S. Sebastiani extra muros, dilatetur omni ex parte S. Paulum versus, & Ecclesias Annunciationis, & SS. Vincentij, & Anastasij, & per singula rura intermedia, immo ad muros vsque Romæ, & sub vinetis viæ Appiæ. Romanum alloquor. Quot intersint locorum spatia, probè nouisti.

XVIII.

Vt verum fatear, eruditissime Eusepi, omnibus qui S. Argyridis legerunt in tua Epistola historiam, visa est Achilles in superabilis, & nodus Gordianus: Verùm facilè superatur, ac sine contorfione mētis dissoluitur hæc difficultas ab ijs, qui illam attentè, & ex actè scrutantur: nam tu ipse verbis proprijs viam solutionis facilem parās sic loquens: *Haud scio an ex istis fuerit corpus illud, quod in nouo Classensi Rauennæ monasterio à se visum testatur vir fide dignissimus Daniel*
Pape-

Papebrochius . Si nescis an corpus Sanctæ Argyridis fuerit vnum ex corporibus catacubarum , abs-re igitur illo exemplo reliquias Romanas infamas .

Esto , fateamur Papebrochium anno 1660. 20. Nouembris viso epitaphio S. Argyridis , illoque latinè reddito: *Dulcissime coniugi Argyridi Trophimus maritus annis vixit 36.* Monuisse remouendum à templo marmor , quod natum esset scandalum parere intelligentibus , & ab Archiepiscopo Rauennatense informato de iudicio Papebrochij consultam Romæ fuisse Congregationem super reliquijs tunc existentem , & responsum accepisse non solum amouendum esse lapidem , sed ipsum quoque corpus restituendum Domino Cardinali Legato , quod illud donauerat : Cum executioni mandatum non fuerit illud iudicium , inde corroboratur S. Argyridis Martyrium , & nullus est qui non conijciat Papebrochium præcipitanter , & plus æquo suæ confisum prudentiæ de illa sancta sententiam tulisse . Si enim compertum non fuisset postea illius sanctæ

etæ Matronæ martyrium, Archiepiscopus, qui Sacram Congregationem interpellauerat, auctoritate sua compulisset Camaldulenses, in quorum Ecclesia adest hoc Sacrum depositum, ad tollendum, & marmor, & corpus: Quin immo legatus pro tempore tunc existens eidem executioni inuigilasset. Parum igitur gnarus de Romanis ritibus in Sanctorum reliquijs asserendis censendus est Papebrochius, de Sanctis iudicans ex inscriptione. *Executioni mandatum fuisse non dubitat Papebrochius Sacre Congregationis responsum.* Sed vnusquisque in sensu suo abundat, quin veritatem assequatur semper pro placito.

Deindè scire vellem à Papebrochio, quid scandali natum est parere illud epitaphium, quod nihil impium, nihil immodestum redolet.

ΓΛΥΚΙΤΑΤΗ. Ψ. ΓΥΝΑΙΚΙ.
ΑΡΓΥΡΙΔΙ. Ψ. ΤΡΟΦΙΜΟC
ΑΝΗΡ. Ψ. ΕΤ. ΕΣΗ. Ψ. ΛΣ.

An

An quia mulieri Ethnicæ primò fuisset positum, ac deindè à fidelibus incryptam fuisset illatum, vt alicuius martyris loculo claudendo seruiret pro latere? Illud scandalum esset acceptum, non datum, tametsi de facto constaret. Scandalum ne existimant fideles, ex eo quod Romæ Tempia Pantheon, Apollinis, Iouis, Solis, Bacchi &c. fuerint Deo consecrata? Ex vestibus feminarum pretiosis fiunt paramenta Sacerdotalia, quæ benedictione Ecclesiastica ex prophanis sacræ fiunt, cur lapis prophanus contactu Martyris sacer non euaderet? Scandalum ne esse potest, quòd nomen, quod legitur in fronte sarcophagi mulieris Ethnicæ, (si tamen ethnica supponatur, quod non constat) idem planè sanctæ tribuitur, quod tribuitur confictum, quandoquidem fieri nequit, quod sancta femina, quæ martyrium subiit, dum tumulatur, incidat in sarcophagum eiusdem nominis. At in primis hoc quidem rarum esset, ac mirabile, non tamen prorsus alienum, cum aliquando similia occurrant. Deindè

dè potuit contingere quod Sanctæ Martyris nomen obliuioni traditum, à populo vel Græculo aliquo è fronte tumuli fuerit acceptum neque Præsidentes Ecclesiæ, & periti id prohibuerint, tum quia nesciebant verum nomen; quia cū significatio vocis Argyridis, scilicet Argenteæ, etiam feminæ illustri per martyrium redditæ congruebat iuxta illud: *Argentum igne examinatum, purgatum* Psal. 11
septuplum.

Supponamus præterea corpus S. Argyridis ex templo fuisse extractum, vt conijcis ex narratione Papebrochij. Hoc argumentum nihil concluderet contra reliquias Romæ dispensari solitas, nisi prius euinceret illud corpus fuisse Cardinali Legato donatum à Cardinale Vicario, aut à Sacrarij Apostolici Præfecto, Nam non nego fieri potuisse, vt Cardinalis Legatus illud acceperit ab aliquo in materia reliquiarū imperito, qui in aliquo prædio plage Romanæ illud ipsum reperisset, & nullo alio præmisso examine pro veris reliquijs illud existimās, ad Cardinalem Lega-

H

tum

tum illud transmisisset. Non fuisset primum exemplum talis suppositionis.

Nam quidam Græci, ut suggerit S. Gregorius, huc ante biennium venientes, nonstantiam; Eturmo silentio iuxta Ecclesiam S. Pauli corpora mortuorum in campo iacentia effodiebant, atque eorum ossa recondebant servantes sibi dum recederent. Qui cum tenti, & cur hoc facerent, diligenter fuissent discussi confessi sunt, quod illa ossa ad Græciam essent tanquam Sanctorum reliquias asportaturi.

Si hoc egerint Monachi Græci, alios habuerunt sui inscijs Prælati imitatores, nec stupendum est, si interdum videantur idiotæ peregrini, qui hic, & istic congregant quicquid reperiunt, pro reliquijs illud in patriam asportaturi. Nullum tamen inde præiudicium affertur veris reliquijs, quia consultissimè obuiavit huiusmodi pijs fidelium simplicitatibus Sacrosancta Tridentina Synodus iniungens, ut nullæ reliquiæ exponantur colendæ, quin prius illas approbaverit Ordinarius, qui facile supposititias à veris discernet reliquias,

vbi

vbi viderit litteras testimoniales Cardinalis Vicarij, aut Sacrarij Apostolici Præfecti. Vbi illas non reperierit, pro fraudulentis, aut saltem incertis illas iudicabit. Tales erant illæ, quas nouissimè quidam charta, gypso, & coloribus ita compaginabat, ac effingebat, vt vel peritissimos decerpisset. Illas pro vindicatis non agnoscit, immo illarum compositores seueris coercet ac emendat pœnis Sancta Ecclesia Romana.

X I X.

Nihil differendum puto de inscriptionibus Vefontionum, & Ambianorum, quia iudicio prudentum, ac viro-
rum eruditorum facile consentio: quã-
quàm fatendum sit tecum illis has esse
longè venerabiliores, non solùm prop-
ter monogramma Christi, litteras Græ-
cas A.Ω. ac columbas, quæ in Ambia-
norum reperiuntur, sed propter circum-
stantiam loci in quo inuentæ sunt, nem-
pè prope altare, & corpus S. Firmini

Episcopi , & Martyris . Venerabilis enim antiquitas ab Apostolis erudita obseruauit , vt in honorem Martyrum erigerentur memoriæ seu oratoria , ac sub altare recondiderentur eorum reliquiae , visioni S. Ioannis Euangelistæ sese conformans : *Vidi sub Altare Dei animas interfectorum* , vnde vsus inualluit , vt nulla consecrarentur altaria absque Martyrum reliquijs : & adeo sanctis singulares erant in Ecclesia post mortem depositiones , vt pro canonizatione haberentur . Quapropter quantumlibet ipsum Constantinum Imperatorem summo honore funeratum prædicet Eusebius , nequaquam tamen Constantius eius filius ipsum tumulare in Ecclesia vmquam ausus est , sed foris , & in atrio Basilicæ Apostolorum . Quod accuratè considerans S. Chrysostomus ait : *Hic quoque* (nempè Constantinopoli) *Constantinum magnum filius ita demum ingenti honore se affecturum existimauit , si eum in piscatoris vestibulo conderet , quodque Imperatoribus in aulis sunt ianitores : hoc in sepulcro piscatoribus sunt imperato-*

Apoc. 6.

Hom. 26.
in 2. Ep.
ad Cor.

ratores: atque illi *quidem* velut Domini, interiores loci partes obtinent: hi autem velut accola, & vicini praeclare secum agi putarunt, si vestibuli ianua ipsis assignetur.

Illum pro sepulturis vsum obseruatum etiam fuisse Romæ pro concione habuit idem Chrysostomus *Nec hoc tantum* quis Romæ fieri viderit, verum, & Constantinopoli: nam & hic Constantinum Magnum ipsius filius in honore magno censuit haberi, si pro foribus piscatoris paternum corpus collocaret. Si Romæ, & Constantinopoli hic honor delatus fuerit Ecclesijs, ut in eorum atrijs, ipsi sepulti fuerint Imperatores, idem profecto pro alijs Ecclesijs religiosè seruabatur iuxta legem Theodosij magni Codici intextam: *Nemo Apostolorum, vel Martyrum sedem humanis corporibus existimet esse concessam.* Concilium Varense, quod à multis putatur esse Nannetense anno 800. congregatum, sic citatur à Gratiano: *prohibendum est, ut in Ecclesia nullatenus sepeliatur, sed in atrio, aut in porticu, aut in exhedris Ecclesia.* Intra

Hom. 66.
ad pop.
Antioch.

C. Theod.
1. 9. tit.
17. c. 6.

13. q. 2. c.
præci-
dum.

Ecclesiam verò, aut prope altare, ubi corpus, & sanguis Domini conficitur, nullatenus sepeliatur. Post tredecim annos Concilium Moguntinum hunc canonem quodammodo temperavit, decernens, *ut nullus mortuus intra Ecclesias sepeliretur, nisi Episcopi, aut Abbatis, aut fideles laici, qui fideles, ut glossatores interpretantur, ita virtute sint præditi, ut miracula operentur.* Sensim sine modo postea ad omnes se extendit sepulturæ. in Ecclesijs facultas, quæ, teste Sozomeno, solis Imperatoribus, & Episcopis primùm concedebatur: *ab eo igitur tanquam ex eius rei auctore, consuetudine ducta Imperatores Christiani ibi (in Basilica Apostolorum) sepeliuntur, atque Episcopi etiam, quippe cum dignitas Sacerdotalis Imperij dignitati par sit, immo verò in locis sacris primas partes obtinent.* Quāvis Sozomenus de suis temporibus loquens intelligendus sit de atrijs Ecclesiæ, si quidem Constantinum Imperatorem qui volebat in Ecclesia Apostolorum sepeliri teste Eusebio de vita Constantini lib. 4. cap. 60. filius Constantin.

Ibi item c.
nihilos.

Hist. Eccl.
l. 2. c. ult.

stantinus in atrio sepelierit.

Hæc me retulisse, credas, Eusebi, non vt à religiosissimis, ac prudentissimis viris, quibus hæc indicia non visa fuere sufficientia ad asserendam Thoribio, & Faustiano sanctitatem, dissentiam; sed vt moneam, quandoque in apertura antiquorum monumentorum esse attendendam prope altare inhumationem.

Supponis quod si hæ notæ, scilicet, Christi monogramma, cum A.Ω. duabusque hinc inde columbis, ac nomine Thoribij in Romanis Cæmeterijs fuissent repertæ, insignioris S. Martyris procul dubio habitæ fuissent. Non ita est, Eusebi eruditissime. Plura requirunt sapientissimi sacrorum lipsanorum vindicatores, quam Christi monogramma ac Columbas, vt Martyres asserant, & illis officia deuocant. Signa Martyres probantia à Christianorum tantum signis ita discernunt, vt à nullo super hæc re exposcant documenta, immo aliorum est ipsorum sese conformare cautelæ, & in dubijs, vt suggerit Concilium Tri-

dentinum sessione 25. illorum est expectare iudicium, ne in errorem facile incidatur, aut Sanctis denegando debitam venerationem, aut non Sanctis afferendo cultum, ut sæpe euenit, quando inconsulta S. Sede Apostolica quidam hac in materia statuerunt.

Hæc sunt, eruditissime Eusebi, quæ tuæ ad Theophilum Gallum epistolæ respondēda in animum induxeram religionis integritatem illibatam, ac legitimum Sanctorum cultum pro modulo tueri cupiens. A tua charitate expecto, ut si alicubi te offensus repereris, non id ulli tribuas liuori. Hoc enim mihi vnum propositum fuit, ut pro meo in Romanam Ecclesiam zelo, ac mea in Sanctos reuerentia, argumenta tuæ, quæ parum veritati consona credidi, dissoluerem, ne ullus illis inbutus, à reliquiarum veneratione deterreretur. Nisi enim, illud me impulisset motium ad hanc apocrysim describendam, nunquam ego Doctorum minimus ea temeritate usus fuisset, ut tibi, quo duce, quo magistro S. Patres lego, at summope-

mopere de Ecclesia benemerito contradicerem .

Non tamen te oro , vt supprimas quæ in mea apocrisi religioni tantisper aduersa , aut incommoda videbuntur , quia ab his omnibus caui , non tantum meo studio , sed præcipuè examine Doctorum , quorum iudicio , vt par erat , me subieci : rogarem potius , vt amicis tuis illam communices , vt in illorum animis in Sanctas reliquias adaugeatur deuotio , & si qua patiantur dubia , ab illis penitus liberentur , vt summum est meum desiderium .

X X.

Si de appendice velis , dicam , quid sentiam vera sunt principia , quamquam in conclusionibus peccare videaris . Verum est quod Christus Dominus sic sepultus fuerit , vt caput illius ad Occidentem , & pedes ad orientem aspicerent . Addo quod S. Petrus in Vaticano Cæmeterio in hoc eodem situ reperi- tus fuerit sicut , & SS. Apostolorum Simonis , & Iudæ corpora ; non tamen cre-

crederem concludendum esse, quod Sacerdotes sic debeant tumulari: cum ille ritus sit de genere eorum, qui pro temporum, & locorum varietate mutari possunt, salua religionis, ac disciplinæ Ecclesiasticæ integritate. Vtinam in hac sola circumstantia Sacerdotes à Christo discordarent, omnia rectissimè procederent, nec esset, cur modus illorum sepulturæ iam passim receptus redargueretur.

Maiori cum fundamento reprehendendos esse existimo illos, qui magis curiosè, quam piè Sacras Catacumbas visitant, Sanctum Hieronymum, & Prudentium minimè imitantes, qui illas tanquam veneratione plenas, vt in principio tuæ epistolæ Theophilo Gallo exhibuisti, ingrediebantur, illud Virgilianum in mente reuoluentes.

Horror ubique animos, simul ipsa silentia terrent.

Non illo curiositatis, aut irrifionis, quæ in aliquibus aduertitur, gestu cœmeteria adibat Sanctus Carolus Borromæus, qui cum in cœmeterium

Cal-

Callisti die S. Sebastiani festo venisset, ibidem voluit in oratione pernoctare, & die S. Agnetis orto, illac pedes petijt Ecclesiam eiusdem S. Virginis in via Nomentana, vt testatur bulla suæ Canonizationis. Nec ridens S. Philippus Neri per multos annos noctes integras in iisdem Catacumbis in oratione insumere solitus erat.

Pro iisdem Cēmeterijs Summi Pontifices, quicquid potuerunt, vt venerationem in fidelibus augerent, egerunt teste Anastas. Biblioth. qui de S. Fabiano scribit. *Hic multas fabricas per cēmeteria fieri pręcepit.* De Ioanne III. *Hic ampliauit, & restaurauit cēmeterium Sanctorum Martyrum, & instituit, vt oblationes hamula, & luminaria per eadem cēmeteria in omnibus Dominicis à Lateranis administrarentur.* De Gregorio III. *Hic institutis disposuit, vt in cēmeterijs Sanctorum Martyrum circumquaque positis Romæ, in die natalitiorum ipsorum, luminaria ad vigilias faciendas, & oblationes de Patriarchio per oblationarium deportarentur ad celebrandas missas per Sacerdotem,*

tem, qui pro tempore fuerit. Et de Nicolao Primo: Hic Pontifex cœmeterium Sancti Marci inter Viam Appiam, & Ardeatinam multis ruinis conquassatum, atque contritum mirifice construxit, ac decorauit, diuinique cultus mysterium, quod multos post temporum cursus discesserat, restituit.

Nemo nescit plures Summos Pontifices æstuante persecutione in eisdem cœmeterijs Synodos coegisse, ordinationes habuisse, sacro baptismo cathecumenos initiasse, ac vacillantes in fide confirmasse verbi Dei prædicatione. Omnem igitur merentur fidelium venerationem, sicque contra religionem quadantenus peccant, quicumque subsannantes illa sacra perlustrant cœmeteria.



APPEN-

APPENDIX.

*De modo cultus Sacris reliquijs
impendendi.*

MOnuisti, eruditissime Eusebi, quosdam in honorandis Sanctorum reliquijs modum excedere: sed nihil hætenus in illos dixi, ne filum difficultatis, quæ inter nos erat, distraherẽ, nunc verò aptiùs paucis analysim decreti generalis Sacræ Congregationis Rituum ab Innocentio XII. approbati die 19. Octobris anni 1691. contra nonnullos abusus, qui in cultum quorundam Sanctorum irrepsérunt, hinc appendam.

Duo hæc concurrere debent, ut Sanctorum reliquiæ, quantumvis insignes, solemni cultu, quem num. 1. meæ apocriseos descripsi, honorentur. Primò debent esse reliquiæ Sancti in martyrologio Romano descripti. Secundo constare debet de identitate corporis illius-

liusmet Sancti, qui in prædicto necrologio describitur. Si hæc non conueniant, specialis à Sancta Sede Apostolica obtineri debet concessio, qualem RR. PP. Carmelitæ Discalceati Cœnobij S. Pancratij obtinuerunt, vt officium & missas celebrarent de S. Iulio Senatore, cuius esse corpus existimabant, illud, quod dono acceperant ab Eminentissimo Domino Cardinale Ottobono, iam à biennio. Sed dignum certè Romana grauitate iudicium pronuntiarent Sacræ Congregationis Rituum Eminentissimi Patres. Quia non constabat, quod corpus Sacrum in cœmeterio Calepodij de nouo repertum, esset reuera corpus S. Iulij Senatoris, cuius mentio fit decimo quarto Kalendas Septembris in Martyrologio Romano, ita formatum est decretum, vt Patres Carmelitæ prædicti Cœnobij quotannis die iam dicta officium recitare possent de S. Iulio Senatore, non propter corpus, quod habebant, siquidem non sufficienter probauerant esse illiusmet S. Iulij Senatoris, epitaphio illud indu-

127

dubio adhuc relinqueretur : sic enim legitur .

S. IVLIVS . IVS . MAXIMVS

Sed propter descriptionem S. Iulij Senatoris in martyrologio Romano .

Dubium de identitate corporis S. Iulij Senatoris à PP. Carmelitis prætensum omninò nunc sublatum est , quia constat illud non Romæ , sed Florentiæ existere in Ecclesia S. Mariæ in campo sub iurisdictione Episcopi Fesulani posita , ut videre est ex inscriptione sequenti , quæ legitur supra urnam ad cornu Evangelij collocatam .

D. IVLII SENATORIS ROMANI,
ET MARTYRIS
CORPVS EX COEMETERIO CALE-
PODII ERVTVM,
AC VRBANI VIII. PONT. MAX.
BENIGNITATE
ACCEPTVM, LAVRENTIVS ROBBIA
EPISC. FESVLANVS
ET COMES PICIS IN DONVM,
AC IN MVNERIS

AV-

AVCTOREM GRATVS HOC SARCO-
PHAGO INCLVSIT
XVI. KAL. IVNII. 1643.

Sic obuiam iuerunt Eminent. Patres confufioni hiftoriæ Ecclefiafticæ, quæ apta erat nafci in lectionibus, & in concionibus, in quam incidiffe refers eos, qui S. Feliciffimum nuper Parifios allatum palam faciunt, quafi verò ille Feliciffimus S. Sixti Papæ, & martyris Diaconus fuiffet, ac S. Victori acta S. Victoris Mediolanenſis martyris tribuunt.

Nefcio an grauiùs peccarint contra religionis, ac hiftoriæ Ecclefiafticæ integritatem illi, in quos ſexta Synodus hunc canonem 63. condidit: *Quæ à veritatis hoſtibus falſò conficta ſunt Martyrum hiftoria, vt Dei martyres ignominia afficerent, & qui eas audituri eſſent ad infidelitatem deducerent, in Eccleſia non publicari iuſſimus, ſed eas igni tradi, qui autem eas admittunt, vel tanquam veris his mentem adhibent, anathematizamus.*

Absit tamen vt exiſtimem SS. Feliciffimi, Victoris, & Ouidij &c. exor-
na-

natores, intendisse Sanctis iniuriam irrogare martyribus, & ad infidelitatem deducere auditores. Illos crediderim pio in illos affectu similia à veritate aliena diuentitasse. Sed in huiusmodi rebus non excusat bona intentio, vbi ex gloria vnus Sancti nomine proprio, & factis fortasse incogniti, alter antiquorum Patrum scriptis laudatissimus à proprio gradu quodammodo excidit. Non sufficit de Sanctis magna prædicare, sed vera probanda sunt. Ad hæc Græci Antistites prædicti canonis 63. sextæ Synodi directione attendebant. Parochias suas visitantes exactissima vti solebant diligentia, vt de actis Sanctorum Martyrum conscriptis subtiliter exquirerent. Vnde Theodorus Balsamon de Nicolao Muzalo Patriarcha testatur: *cum ille vitam S. Pareſceus, quæ in quodam Callicratie vico colebatur à quodam Vicario ineptè, & indoctè, & Sancta Angelica viuendi ratione indignè composicam inuenisset, eam igni mandari iussu, & Diacono Basilico mandauit Deo gratam, & acceptam eius vitam conscribere,*

In Can.
63. sextæ
Syn.

bere. Non in solo Oriente viguit studium vitas Sanctorum à falsis & ineptis purgandi, sed magis in Occidente floruit. Huius rei testimonium præbet Concilij Lateranensis IV. cui per se præfuit Innocentius III. anno 1215. canon 62. quem referendum hic esse dixi, ut omnes videant quomodo reliquiarum honorandæ sint, & à Summo Pontifice sint approbandæ. Cum ex eo quod quidam Sanctorum reliquias exponunt venales, & eas passim ostendunt, Christianæ religioni detractum sit sæpius: Ne impio-sterum detrahatur, præsentis decreto statui-mus, ut antiquæ reliquie amodo extra cap-sam nullatenus ostendantur, nec exponan-tur venales: inuentas autem de nouo nemo publicè venerari præsumat, nisi prius au-ctoritate Summi Pontificis sint approbata. Prelati verò non permittant eos, qui ad eorum Ecclesias accedunt, varijs figmen-tis, aut falsis documentis decipi, sicut in plerisque locis occasione quæstus fieri con-suevit.

Nisi dicta repetere me pigeret au-
toritatem S. Gelasij, & Gregorij Lin-
go-

Extra, de
reliq. &
ven. SS.
cap. cum
ex co.

gonensis hic apponerem, sed quia numero IX. quiuis eam legere poterit, cum Sancto Bernardo concludo, quod

contra ritum Ecclesie, & inconsulta aucto-

ritate Apostolica in festiuitatibus

presumpta nouitas sit mater

temeritatis, soror super-

stitionis, filia

lenitatis.

Ep. 174.
ad Cano-
nic; Lugd.



¹³²
DECRETVM
GENERALE

Sacræ Congregationis Rituum ,

A B

INNOCENTIO XII.
APPROBATVM.

*Contra nonnullos abusos , qui in cultum
quorundam Sanctorum
irreperunt .*

CVm Sacræ Rituum Congregationi innotuerit, quam plures abusos irrepsisse circa recitationem officij, sub prætextu decreti ab eadem Congregatione euulgati de anno 1630. & in Breuiario Romano impressi, in quo permittitur posse in Ecclesia recitari officia, & missas celebrari de illis Sanctis, quorum corpora, aut reliquiæ insignes in ea asseruntur : Eminentissimi Patres
eidem

eidem Congregationi Præpositi ijsdem
 abusibus euellendis præcipuè intenti,
 inhærendo decretis aliàs in similibus
 editis declararunt prædicta officia San-
 ctorum ratione corporis, seu insignis
 reliquiæ recitanda intelligi debere de
 Sanctis dumtaxat in martyrologio Ro-
 mano descriptis. De cæteris autem
 Sanctis in prædicto Martyrologio non
 descriptis, aut quibus à Sancta Sede
 non fuerit specialiter concessum, offi-
 cia recitari, & missas celebrari vetue-
 runt, non obstante, quod ipsorum cor-
 pora, vel insignes reliquiæ in Ecclesijs
 afferuentur: Quibus tamen ab Ordina-
 rijs locorum approbatis debitam fide-
 lium venerationem (prout hætenus
 seruatum est) exhibendam esse censue-
 runt, sed absque officio, & missa, sub
 poenis de non satisfaciendo præcepto
 recitandi officium, alijsque in constitu-
 tione B. Pij V. contentis. Die 11. Au-
 gusti 1691.

Et facta de prædictis Sanctissimo per
 me Secretarium relatione, Sanctitas
 Sua eiusmodi decretum approbavit,

ac

ac vt debitæ executioni demandetur;
 locorum Ordinarijs iniungendum esse
 præcepit. Die 19. Octobris eiusdem
 anni 1691.

A EPISC. OSTIENS. CARD. CYBO.

Loco ✕ Sigilli.

S. Vallemanus Sac. Rit. Congr. Secret.

ROMÆ, Typis Reuerendæ Camerae
 Apostolicæ. 1691.





